

新登縣志卷二十

拾遺篇

珠淵珊瑚類有遺珍竹屑木頭或充實用舊志拾遺今亦選擇數條編入正篇如乘副車不同覆水山深林邃其猶有不求聞達為搜巖而採者所未及乎一空冀北以俟君子

星野

古測杭州牛分野今測杭州斗一度載稽星度杭州但占南度一星其量又未悉周祇占斗中一度其為占亦微渺矣按杭州一府僅占南度一星則新城不過占一星十分之一耳前志圖於斗外旁及天籥天雞天淵天井四星不錄之舊志參乾隆府志

新登縣志

卷二十

拾遺

一

祥異

宋治平中杭州南新縣民家析柿木中有上天大國四字書法類顏魯公有筆力國字中間仍排起作大口全是顏筆其橫畫即是橫理斜畫即是斜理其木直剖偶當天字中分而天字不破上下兩畫并一脚皆橫挺出半指許如木中之節以兩木合之如合契

焉夢溪筆談

紹興四年大有

舊志

乾道二年大旱

舊志

淳熙十一年十二月戊辰天雨黑水終夕盈

文獻通考

紹熙五年八月辛丑大雨水

宋史五行志

嘉定三年四月大水五月大雨水圯田廬市郭志舊

八年四月乙卯飛蝗入縣境

元至元二十八年饑萬曆府志

明永樂間折桂鄉東山生芝大小二十七本康熙志

天順五年大旱志舊

六年螟蝗志舊

嘉靖六年大有志舊

萬曆元年大有志舊

七年大有志舊

崇禎十四年大浸志舊

新登縣志

卷二十

拾遺

二

十五年大浸志舊

清康熙八年大有志舊

十年大旱兼蟲災志舊

四十九年大浸志舊

六十年大浸志舊

乾隆二十年大浸志舊

二十二年南新東洲兩鄉虎屢傷人志舊

四十六年夏旱志舊

五十年大有志舊

五十一年二麥有秋志舊

嘉慶五年正月大雪十餘日平地丈餘舊志

六年七月大水舊志

十三年閏五月大水舊志

十四年大有舊志

十五年大有舊志

十六年夏旱舊志

十九年夏旱秋早涼舊志

二十五年自五月下旬不雨至七月上旬禾稼盡枯十四日雨至

二十三日止平地水積丈餘晴後微暑匝月枯木復生是歲民無

饑色舊志

新登縣志

卷二十

拾遺

三

道光元年夏大疫

八年秋大有穀有一莖三穗者

十二年夏大旱

十三年春大饑

二十一年十月晦大雪六日平地積五尺

二十六年夏五月大旱

二十九年夏五月大水

咸豐二年冬十月十三日酉刻天雨黑子形如豌豆中黃而潤混
沌無瓣雞食不化多噎死

六年秋大旱

十年春二月廿三日卯刻城西北隅崩是歲十月初四日粵寇由桐廬至

十一年夏五月長星見吐光如噴火天文家謂此車輔一星在斗南吐芒所見之處赤地千里冬十一月二十八日杭城再陷江浙遍地皆賊窟十二月二十七日大雪平地丈餘

同治元年春正月大寒溪冰堅厚舟楫不通民多凍死

二年弧矢星明新城富陽次第肅清惟杭城尚爲寇踞有觀象緯者謂自軍興以來弧矢與天狼不對今矢稍正射天狼賊當滅矣後果如其言

四年夏閏五月大水

新登縣志

卷二十一

拾遺

四

十二年夏六月大旱城西街市火

光緒二年夏六月十四日大水平地五尺大老隴沿溪廬舍均漂沒

五年夏大旱自五月初六日起至七月初一日亢陽不雨溪流皆涸

七年夏五月彗星見於西北

十二年夏旱祈雨者絡繹於途六月二十八日天雨

十五年秋七月大水二十八日水自桐廬來縣南昌西祥禽等鄉隄堰盡圯九月間霪雨四十餘日秋稼悉壞

十六年春三月初四日大風拔木民間屋瓦俱飛周王廟大孝坊

折其頂

二十四年六月十五夜戍刻白虹見於北方是夜上四鄉同傾二坊一在萬古宅前一在高姓祠前

二十六年冬十一月十三日大燠夜大雷電

二十七年夏五月大水六月有螟不爲災

二十八年夏秋大疫死者甚衆

三十年冬暖十二月十九日天大雷電

三十二年春二月二十六日大雨雹時近午天色晦冥

三十三年夏秋之交久旱不雨田禾生青蟲似蠶喙黑卷葉作網食葉有聲土人用三角小旗插於田畔并擡土穀神走遍田疇以

新登縣志

卷二十一 拾遺

五

鎮之越日其患乃息是歲秋雨水兼旬稻多生芽

三十四年夏旱六月初十日至秋七月十六日不雨田禾歉收

宣統元年夏久旱不雨溪流盡涸冬十一月十八日辰刻虹見西方

二年饑夏五月米價翔貴每石銀幣八圓

三年夏多陰雨秋大疫

民國二年大旱溪流盡涸田禾皆槁

建置

淳祐志云新城縣晉太康末復立尋省恐未妥又水經注新城復立縣在咸和元年元與九字形相似疑誤

舊志

唐垂拱二年析新城置紫溪縣

雍正省志

按紫溪爲昌化舊縣名與新城壤地不接惟唐書志紫溪垂拱二年分於潛置當不誤

新城自晉咸和復置至梁而省陳立錢塘郡時又置隋并省

舊志

隋志餘杭郡統縣六大業又置新城凡統縣七唐初平李子通於武康置武州鹽官置東武州又李子通以富陽爲桐州唐仍省桐州爲富陽縣而於浙江南永興縣置浙州七年富陽乃屬杭州又省新城入富陽領錢塘餘杭於潛新城四縣且有富陽在內不當止於三縣按乾隆府志唐初改杭州府之日所領實止三縣

舊志

唐貞觀六年錢塘移治於新城戍見舊唐書而新城戍已見梁書至其時仍隸錢塘蓋中間惟因立錢塘郡嘗暫置爲縣郡廢而縣

新登縣志

卷二十

拾遺

六

仍爲戍且已爲錢塘所移治矣惟戍地既隸錢塘而永淳時置縣乃分地於富陽與錢塘不預今新城錢塘亦壤不相接似陳隋間之新城與前後新城地別

乾隆府志

輿地廣記諸縣列次及所係望緊俱同宋史方輿勝覽列次亦同咸淳志以富陽列於潛上爲小異太平寰宇記則以錢塘仁和於潛餘杭富陽鹽官臨安昌化新城南新爲次

乾隆府志

疆域

自縣朝京門東至富陽縣四十五里至餘杭縣九十里自縣來遠門南至嚴州府桐廬縣四十五里自縣鎮安門西至臨安縣九十

里

景泰縣志

山水

新邑城中有九凸曰鵝鴿孤浦假山一峯冬青杜墓多福滄泉寶珠蓋皆山之餘脈也邑人方可權詩云九凸炊煙有短長是已舊志

豐山在覽川有楓本皆百尺合抱又名長楓山有宋監登聞鼓院

章樵墓嘉靖袁志按新城境無豐山亦無覽川昌化縣有覽溪或在其

處舊志

潘山見乾隆府志物產卷舊志

千頃山在縣西北六十里相傳為許由故居有許由洗耳灘巢父

飲牛灘並在下景泰縣志

按徐時敦閒雲錄攷昌化志縣西九里地名晚溪由許由亭旁有箕山下有洗耳灘又有橋名白牛取巢父飯牛之義舊傳許

新登縣志

卷二十 拾遺

七

由曾隱於此新城距昌化百有餘里幽人棲隱足跡所至亦未可知前志不盡誣妄也

神山在新登鄉相傳毛元帥在此覓彈其山間神火隱約鄉人遠

望以為靈蹟徐時敦閒雲錄

峨眉山在新登鄉佛嶺莊原名和睦山山下多陸姓本楚人陸通

後通字接輿佯狂辟世楚昭王聘使三至遂變易姓名入蜀隱峨

眉山中其後裔居此者因呼和睦山為峨眉山徐時敦閒雲錄

賢明山下有太公澤相傳為吳泰伯采藥處舊志

東安餘嘯桃源山有鼠石其形如鼠山中人以石灰為業其道里

未詳今攷桃源山在縣南二十里地名閻苑與閻苑仙人洞相近

相傳宋時山下居民以鑿石為業路傍植桃數百株每春時紅白

相間絢爛如繡

徐時敦
間雲錄

靈山在縣南折桂鄉一名烏塔山層巒疊翠高出雲霄北望天柱三貝諸峯擁秀如畫山有靈鷲菴供觀音像相傳睦寇方臘竊發時附近居民聞警來避寇至則大霧障天不辨徑路相顧驚異遁

去居民無恙

徐時敦
間雲錄

太師塢在縣西十里折桂鄉袁村相傳杜太師陵墓在焉故名舊志攷定為杜建徽墓未知孰是

舊志

邑西南新鄉三九山有白雲洞極寬廠深約二十餘丈洞中石厨石竈皆天然俱備同治元年里人避難其中者數百人洞口築以垣墉備賊衝擊垣中分留小孔賊至則以槍擊會賊大隊蠡集團

新登縣志

卷二十

拾遺

八

數十日糧盡洞遂破無一得脫者

徐時敦
間雲錄

迪浦山見舊志今無攷

漸江水出三天子都北過餘杭東入海注曰山海經謂之浙江也

水出丹陽黟縣北逕新城縣又東北逕富春縣又東逕餘杭縣又

東北至錢塘縣穀水入焉

水經
注

水經注紫溪東南流經桐廬縣東為桐溪孫權藉溪之名以為縣

曰桐溪又東北經新城縣入浙江按新城有桐溪

舊志

分水縣志廣陵溪源出新城縣西廣陵鄉至分水縣東六十里下流滙天目溪按廣陵溪即槎溪所云下流滙天目溪新邑無此溪

名舊志

舊志龍潭在七賢鄉今無攷

廣陵鄉有宣公灘其命名不知所自土人沿稱之久矣咸豐三年邑令宣汝珍催科下鄉至三溪操切激變爲亂民所害適當其地亦可異矣

水利

元邑令劉公弼作堰旣成又諭民依山開渠疏通水道一自堰下流至沙墩東流入於許村西流入於杜墓坂一自閩家山下承堰水至鳳翥橋東流入於周家埭以至胡公埭遂至小莊坂西流入於官塘白塔坂遂及城下此皆堰水之旁行也嘉靖志溝二曰許村在昌東鄉至元二年邑令劉公開上接松溪堰水下流至觀音壩

新登縣志

卷二十 拾遺

九

入溪曰塔山在城郭正統間郡守胡公開上接塔山堰水下引入

城濠至南門出溪嘉靖志

城池

祥符志新城古城在縣東南三百步周圍三百丈唐徐敬業起兵時築今縣東南並無古城遺址耆老亦未聞有發掘殘碣古甃事徐敬業起兵去新城甚遠何以築城於此又不知何年毀惟駱氏家譜云寶王子華甫避難遷居新城南新鄉駱義烏人豈敬業起兵駱應之耶徐時敦問雲錄南新鄉有古城坂其地今名鎮頭土人云舊時新城立縣築城於此春耕時尚有甃石掘出可驗但南新鎮舊爲南新鄉本睦州分

水縣東境唐寶應二年置爲昭德縣大歷六年併入分水縣梁貞明四年以民戶之請隸安國縣宋乾德四年即其地置場催科名爲南新場太平興國六年升爲南新縣熙寧五年廢縣爲鎮隸新城其築城與否今亦無從徵實

徐時敦
間雲錄

清初議者以南門逼近淶渚萑苻竊發加砌磚石以備不虞康熙十年邑庠袁度等言於邑令張瓚以南方文明之象不宜填塞立命撤之士民稱便

舊志

鄉鎮

鄉井畫二區每區設糧長四人收管糧稅上區管南安南新寧善廣陵東洲新登七賢折桂下區管城郭祥禽永昌昌東昌西昌定

新登縣志

卷二十

拾遺

十

太平

嘉靖
聶志

崦 埠或作峴口皆非也廣韻峴於劍切醃去聲峴口墟名在富

春渚上

舊志

舊志鳳翥鄉既改隸臨安龍翔亦更稱折桂南新五鄉桐峴鄉已不可考明天順間又析昌定東洲

按今東洲鄉地其
半亦從廣陵析出

東安鎮在今縣治東去富陽四十五里唐光啟三年錢鏐遣東安都將杜棱等將兵討薛朗即此富陽嘗置東安郡故鏐以此名鎮

清一
統志

舊志按吳黃武五年立東安郡於富春即分富春地置新城縣屬東安唐大順二年錢氏築東安羅城其名應仍吳舊顧氏讀

史方輿紀要亦謂東安鎮近富陽界獨咸淳臨安志謂鎮在縣西一百步且謂東安城卽縣城恐宋志亦未必無誤也若神州古史考作縣西五十里則竟指南新鎮爲東安鎮矣

桐峴鄉自南新縣廢改隸新城而咸淳志已無攷舊志

距縣西十里新登鄉有棠棣村汪姓所居元至正間汪壘以翰林

官兵部左侍郎汪箴以進士官戶部員外郎伯仲友愛有司旌其

門曰花萼流芳里人榮之名其村曰棠棣徐時敦間雲錄

城西一里有許家術相傳爲許忠烈故里徐時敦間雲錄

五代時睦州刺史陳晟故里相傳在縣西四十里之洞橋對岸俗

稱陳馬頭村後有古墓山晟之祖墓在焉後爲錢王所發今南新

鄉大干陳氏其後裔也徐時敦間雲錄

新登縣志

卷二十一 拾遺

十一

西門外大街有名馮家術者爲清初拔貢馮紱來世居紱來宰江寧有善政歿後子敬直纔七歲隨母汪氏徙居東洲鄉官塘後爲名諸生官塘將軍廟舊有通天感應額相傳爲敬直手書今其後裔已陵夷西門之術猶以馮家名徐時敦間雲錄

縣西四十里廣陵鄉爲十五鄉之一今人但呼高村一帶爲廣陵爾雅釋地云大阜曰陵由三溪沿途漸就崇高如大阜然水由菖蒲隴出流乾嘉間邑詩人陳倬廣陵道中詩急水西奔十八里亂

山橫疊兩三重確切廣陵形勢徐時敦間雲錄

石門有二一在東洲鄉一在南安鄉舊志載姚興字叔興東洲石門山姚村人卽石門嶺姚興墓卽在東洲鄉姚村後人名其村爲

盡忠里據此則姚係東洲人無疑惟徐浚敏謁姚開府墓詩罵賊
亡身報主恩當年馬革返槎源槎源在南安鄉則姚墓又似在南
安徐浚敏寧善鄉陳村人距槎源六七里而近當必有據今槎源
隴亦有姚開府祠其地多姚姓或者氏族相同因慕其忠節而崇

祀之乎

徐時敦
間雲錄

津梁道路

鳳翥橋不知所在嘉靖聶志云承新堰水至鳳翥橋

舊志

南安鄉羅宅鎮有莘橋通於潛大路前志皆未載

徐時敦
間雲錄

清道光間仁和金廷尉應麟出貲修築驛路自西門街市至界牌
十五里自界牌至富陽縣城三十五里均甃石至今二縣人便之

新登縣志

卷二十

拾遺

十一

官署

東園在縣署側宋時建

嘉靖
袁志

載春亭在縣治

嘉靖
袁志

遺愛堂爲縣署後堂

嘉靖
袁志

按以上各址代
遠變遷已無攷

迎曦樓即縣署頭門譙樓宋咸淳七年縣令陳君寶創建民國元
年撤去

新登同鄉會館在杭縣江干閘口外街清光緒三十二年邑人袁
志成方國蒸吳寶三王伯寬吳錫璋等創設初賃民屋民國元年
購旗營洪福橋側舊屋旋爲警署收買五年始購定閘口外街屋

頭廳三間大廳三間後屋三間

新城公所在富陽西門外渡橋側清咸豐末年兵燬遺址尚存

坐落

富陽縣橋西恩波四莊東平王廟戲臺西首第二間坐南朝北臨街計稅一分八厘

壇廟

周宗智字克明周宣靈王猶子建德等處均立廟像見周逢吉五

三朝奉壙誌舊志

周顯佑王母黨在昌定鄉郎家莊每年六月六日里人迎至廳堂

供奉九月六日送回淶川廟舊志

輔德侯周雄生時酷愛蟾所持一扇繪蟾於上及歿為神以青蟾

霧中捍寇至今廟中供案上恒有蟾示現舊志

新登縣志

卷二十一

拾遺

十三

邑城隍廟基一塊明成化間潘澄助

舊志

女王廟在新登鄉板村凡往此求嗣有感

嘉靖袁志

南安洞山脚有李王廟祀宋李忠定公綱或謂公曾提舉餘杭洞

霄宮此地有洞山菴故亦廟食斯村

徐時敦間雲錄

各鄉有石大王廟相傳金人犯境有石姓父子十人殉難

徐時敦間雲錄

城南下溪埠舊有劉相公廟祀劉十三相公清咸豐十年燬今人

竟以劉公祠為劉相公廟劉秉作宰新邑職司民牧稱相公殊誤

徐時敦間雲錄

持戒尼院在縣西六十里已廢

嘉靖袁志

妙慈尼院在護國院北廢址尚存

嘉靖袁志

寶相尼院在縣西十五里已廢

嘉靖袁志

清修尼院在縣西四十里已廢

嘉靖袁志

資福尼院在護國院南已廢

嘉靖袁志

觀音堂石柱二石臺一邑人童仁捐置僧傳宗有記

舊志

墳墓

唐睢陽太守許遠墓在海寧東北五十里

舊志

許玫許規皆許遠子墓均在杭州中天竺稽留峰下

武林山志

和州刺史凌準墓咸淳臨安志云在新城今無攷前志祠墓門亦不載河東柳宗元凌君權厝誌文尚書都官員外郎和州刺史連州司馬富春凌君準卒於桂陽佛寺先是六月告於州刺博陵崔

新登縣志

卷二十一

拾遺

十四

君曰余嘗學黃帝書切脈視病今余肝伏以濫賢浮以代將不臘而死審矣凡余之學孔氏爲忠孝禮信而事固大謬卒不能有示乎世者命也臣道無以明於國子道無以明於家下之得罪於人以謫徙醜地上之得罪於天以降彼罪疾余無以禦也敢以鬼事爲累又告爲老事者某曰余生於辰今而寓乎戊辰戊衝也吾命與脈叶其死矣乎吾罪大者不克歸柩於吾鄉是州之南有大岡不食吾甚榮焉子其以是葬吾及是咸如其言云孤彝仲求仲以其先人之善余也勤以誌爲請嗚呼君字宗一以孝悌聞於其鄉杭州刺史常召君以訓于下讀書爲文章著後漢春秋二十餘萬言又著六經解圍人文集未就有謀略尚氣節調人之急出貨力

猶棄糝糠年二十以書干丞相丞相以聞試其文曰萬言擢爲宗文館校書郎又以金吾兵曹爲邠寧節度掌書記涇之亂以謀略佐元戎常有大功累加大理評事御史賜緋魚袋換節度判官轉殿中侍御史府君喪罷職後遷侍御史爲浙東廉訪使判官撫巡罷人按驗汚吏吏人敬愛厥績以懋粹然而光聲聞於上召爲翰林學士德宗崩邇臣議秘三日乃下遺詔君獨抗危詞以語同列王伾畫其不可者十六七乃以旦日發喪六師萬姓安其分遂入爲尚書仍以文章侍從由本官參度支調發出納姦利衰止以連累出和州降連州居母喪不得歸而二弟繼死不食哭泣遂喪其明以歿蓋君之行事如此其報應如此夫人高氏在越孤四人南

新登縣志

卷二十一

拾遺

十五

仲殷仲在夫人所未至執友河東柳宗元哀君有道而不明白於天下離愍逢尤天其生且又同過故哭以爲誌其辭哀焉銘曰噫凌君生不淑學孔氏揚芬郁好謀謨富天祿讐禁書贊推轂觀靈龜獲貞卜徙東越翊明牧罷人蘇汚吏覆升侍從躬啟沃斥危疑興大福吏尚書徒隸肅佐經邦財用足道之躋身則辱烏江陞九疑麓仍禍凶遭茲酷能知命無怨毒罪不泯死猶僂何以葬南嶺曲魂有靈故鄉復封茲壤歸骨肉爲之銘誌陵谷

吳越給事中羅隱墓在錢塘定山鄉居山隴之徐村

舊志

黃將軍墓在折桂鄉黃山頂今里人即其遺址立黃將軍廟

舊志

陸尚書墓在太平鄉謝蓮村今無攷

按二墓年代名氏
俱未攷故列此

舊志滕將軍墓在太平鄉餘浦口石壘山下徐家塢今攷將軍名
茂質元時人墓在太平鄉金家莊徐家灣已圯至將軍屬何官職
未徵實

元兵部左侍郎汪堦墓在新登鄉靈苑莊獅子山

戶部員外郎汪箴墓在靈苑莊龜山上

舉人丁嘉心墓在新登鄉板村黃樸凸

按舊志選舉門
未載其人俟考

明處士孫峻卿墓在桐廬——隴天台徐一夔孫處士葬誌文友人
周昉元亮爲道其同邑孫處士之行甚悉其言處士以力田起家

新登縣志

卷二十一

拾遺

十六

致餘饒平生衣取蔽體食取充口室廬取庇風雨稍涉奢靡輒不
喜見里閭間少年鮮衣華服以事逸游輒召其子與孫戒之曰吾
見若祖父稍以勤儉薄有儲蓄一旦遽爾侈費豈持家之道不改
必債爾曹戒之其子與孫遵教惟謹鄉之人亦更相飭勵曰慎毋
貽誚於孫叟性至孝母嘗得危疾徬徨營救弗效一夕露禱於天
割股上肉和粥糜以進其母啖之而愈後以天年終兄歿從孫潮
甫六歲撫之歎曰吾兄僅餘此息耳躬教育之至於成人俾有室
家如己子有女兄適人而寡即料理其家且順適其意如事母撫
諸孤甥亦如兄子新城爲邑當杭嚴二郡之衝元季之亂戎馬蹂
踐無安地處士徙居桐廬邑之桐州而族多留新城者遇兵殲焉

覘兵稍退率諸子含哀冒險蚤夜兼程具棺槨衣衾斂葬之斯人也其行足以範俗如今歿矣其孤子欲爲之誌以貽不朽而未敢請昉也嘗獲私於執事且與處士有世契夫發潛揚幽迺盛德之事願矜而畀之處士諱某字峻卿世爲新城縣人今即所遷地占籍焉大父參父文母沈氏其配楊氏亦桐廬人能修婦職如其夫之志先十年卒子男三長昱次恭次恕昱娶葛氏恭娶姚氏恕娶俞氏孫男五人孫女四人元延祐元年甲寅某月一日歿之原葬之地也歿之日有一月朔葬之期也嘗權厝於桐洲之南至是奉以祔焉嗚呼

友於兄弟睦婣之誼敷於族黨此先王設

新登縣志

卷二十一

拾遺

十七

爲庠序學校以教萬民者也自先王迹熄民不興行久矣如孫處士者乃能不待教而興以庶幾乎所謂六行銘曰猗孫叟行恂恂既孝友又睦婣當聖世見斯人薰其德澆可淳猗孫叟

義塚即漏澤園明洪武二十三年置嘉靖六年知縣袁澤改義塚立石坊於上在縣西厲壇側教諭劉宗武買民地三畝以廣其址又一在邑厲壇側又一在山川壇側又一在城郭鄉後塘坂清道光二年買稅地三畝五分

參舊志

骨塔二座在寧善鄉安吳橋側計地稅二分又一座在朱村昭惠廟後計地稅六分又二座在玄帝殿下計地稅三分清咸豐二年勅建今存其一光緒五年重修又一座在南安鄉主廟側民國五

年重建

寄板場三楹在寧善鄉昭惠廟後又三楹在玄帝殿下清光緒五年重修又三楹在南安鄉主廟側民國五年重建

風俗

新邑之祭延僧振鈴歷誦先人名氏謂之判斛重陽則食糴春日婦女燒香以祈蠶事見潘成年雜事詩

同治初值洪楊亂後田荒無主者多作公會田按年輪管謂之義祭

松葛二溪之堰每於四月初八日起禁放柴木封堰蓄水以灌田禾

新登縣志

卷二十

拾遺

十八

凡掃墓例不過清明惟孤墳義祭在清明後

岸池取魚惟鯽魚得分餉鄰里謂之野魚

市上夏餅過立夏日即不賣

物產

附郭池塘溉田畜魚秋後車水取魚盛諸木桶名桶魚以中秋日賣起見潘成年雜事詩

土酒名短水者最佳紹酒之劣者名茅柴見潘成年雜事詩

神竹其節交錯不循文理神廟中設爲苔杖之具不常產而間有

之徐時敦
間雲錄

貓竹大者可爲簾筏細者可爲煙幹

徐時敦
間雲錄

土參多有之能治熱疾并瘡癩徐時敦
間雲錄

棉花棉有卉木二種新邑所種者皆卉本花性畏溼宜高田亦宜

沙土種於春末夏初徐時敦
間雲錄

薺為野菜春初蔓生田野間民間取以充蔬

按徐氏閒雲錄詩谷風云誰謂荼苦其甘如薺故薺一名為甘
草子野占云甘草先生則歲豐又杭俗上巳戴薺菜花入夏頭
不眩薺亦為山蔬野藪中之神品清同治二年春寇方退是時
田地久蕪飢民無由得食藉此以救殘生薺固為劫後之功臣
也因賦詩以紀其事云幾年農事厄兵荒自分殘生等首陽忽
聽鄰翁相告語門前數畝薺花黃天教微物度殘黎笑指前途
草一畦感謝彼蒼留活
計盈筐歸去夕陽低

賦稅

富陽餘杭臨安於潛新城昌化六縣漕船俱在杭州府城外湖墅

新登縣志

卷二十 拾遺

十九

受兌浙江
省志

邑有富戶銀二兩二錢按年輸納舊係袁禧戶名戶長袁汝正今
立袁嚴戶名查自明永樂七年奉派每縣富戶一名送部當差成
化十九年將充當富戶之家例得優免雜差緣由給有印帖弘治
間奏准在本籍照地例輸餉無庸在部供差一切雜泛差徭仍行
優免至今不改舊
志

桑棗園每鄉各設一所明洪武二十七年命州縣督民建設植桑
棗以足民衣食至今遺趾尚在嘉靖
袁志今各鄉大半無攷即間有存
者亦未經清理

倉儲

新城縣便民倉在杭城湖墅新碼頭舊志

學校

鐘樓一座原官建邑民凌養直移建在學東黃山龍首嘉靖志

明代學宮頒藏書籍曰大誥曰周易大全二十四卷曰書經大全十卷曰詩大全二十卷曰春秋大全三十七卷曰禮記大全三十卷曰四書大全三十八卷曰性理大全七十卷曰為善陰隲十卷曰孝順事實二十卷曰五倫書六十二卷曰文獻通考六十四卷

嘉靖志
參袁志

明知縣袁澤重製祭器曰簠簋各三十六曰燭臺四十曰香鑪二十曰祝版一曰霧布三曰神桌一十二曰花瓶二曰牲匣九曰帛

新登縣志

卷二十 拾遺

二十

箱九曰毛血碟十有四嘉靖志

郡縣學皆開正門新城獨旁出形家謂風水宜然乾隆間改正果

不利仍塞焉舊志

學宮折鹿田不過稅者均載於碑舊志

自治學社在七賢鄉福光寺清光緒三十一年邑士周宗球俞育英王伯寬等公立為講學之所今已停

選舉

唐羅知微福唐縣令羅修古應開元禮十國春秋羅隱傳

宋沃台瑤相傳為元祐三年進士舊志

紹興八年進士石塾雍正浙江通志載石塾新昌人紹興十五年

乙丑劉章榜未知是否一人

孫清相傳為進士某科某榜竟無考舊志

慶元二年進士于柔雍正浙江通志作臨安人慶元元年進士恐誤

鍾宿官山東青城縣知縣相傳為宋寶祐間進士舊志

景定二年進士徐淵浩雍正浙江通志作浩淵

咸淳進士徐元吉雍正浙江通志作於潛人

元馬玉相試浙江潮賦中浙省第三名舊志

丁嘉心至元丙午科舉人見家譜各志均未載

明鍾貴芳洪武中以人才授成都府推官未仕而歿於家各志無

新登縣志

卷二十一 拾遺

二十一

攷舊志

高翥諸用中永樂庚子同中鄉試先有人夢泮池龍起角各掛一字榜發翥應其名諸應其姓舊志

清陳于上字六菴永昌鄉人郭峻七賢鄉人順治庚子秋闈城隍廟僧夢神語之曰今科中式者陳郭僧以為城郭坊舉子也遍告之揭曉陳中舉人郭中副榜後于上謝神奉匾額曰神可前知參舊志

汪文津文鉉康熙武進士甲子同舉鄉試戊辰又同中會試郊祁競爽軾轍聯芳古今豔稱之前清文武並重兄弟齊升亦科名佳

話也舊志

邑遺元有二一為明嘉靖丙午凌養恬年遠無考一為清康熙甲子袁度傳為污卷邑人章楹諤崖脞說云袁波干先生度績學工文康熙甲子科浙闈墨卷古茂醇博主司擊節歎賞亟以第一人位之草榜既定愛其文持硃卷吟翫不置將公位填榜忽失卷所在徧索之無有悵惋之至不得已以他卷易之填至十餘名憶其卷故在袖中也探袖出之仍再三閱喟然曰此人何患不元寧置之不當居人後也遂不與選撤棘後為刊其文并全墨之首且樹綽楔於其門曰甲子遺元引重之深古未有也然先生十踏省門竟不遇而卒先生醇謹無遺行或言其喜談地理而術不精誤人者恒有之此雖未必為苑枯所由致然亦足以為戒也

舊志

新登縣志

卷二十一 拾遺

二十一

舊志載例職明方楨

正德年

王璲王溧

指揮

鮑福郎鵠

京衛經歷

章祿陳

化趙謙

以上嘉靖年

羅獎章宦方墳

以上隆慶年

陳珊方基

以上萬曆年

徐汝顯

崇禎年

袁應昌胡宗仁

倉大使

何其偉

府經歷

鍾應科

王府引膳

清潘肇祀

州同

羅錫佑

州判

羅玉璽

州同

羅志信羅振猷羅景儀袁晉襄

州同

袁炳

州同

袁

甲翰

州同

袁開仕

縣丞

袁松垣

按察司檢校

潘大成

布政司理問

潘大鯨

從九品

周

徹

布政司經歷

汪肖璉

縣丞

凌思禮

從九品

汪錦憲

從九品

洪日昌

州同

加五中憲大夫

級徐樹倫

從九品

于元勳

提標左廳

洪日皓

州同

洪青選

州同

劉秉仁

州同

趙大

化

候補千總

周文譜

州同

徐行

州同

洪灝

州同

洪泐

布政司理問

吳均

州同

洪

材

布政司經歷

洪樞

知州奉直大夫

洪棠

州同

洪彬

州同

洪楷

從九品

洪

榕

縣丞

洪懋年

州同

行於道光二年題旌

洪案

從九品

徐樹望

從九品

徐宏聖

從九品 洪梅州 袁槐鹽場大使 羅爵從九品 周錫琅從九品 沈源丞縣 羅雲龍從九品
品 于萬清總把 周雲從九品 羅蔭豫從九品 洪杏從九品 洪樵從九品 洪杞從九品
品 洪煥按察使 唐樹珊從九品 趙希英從九品 洪映懷從九品 洪熾布政使
歷加 鍾元英從九品 洪垂恩監生即用典史 何萬青從九品 何璿從九品 洪煜從九品
四級 品

舊志載例貢明汪存瓊婁旭汪侃袁錫金澤鍾解組鍾嘉佑清羅

錫章周陟附 周隨增 袁士偉附 袁宏袁華附 陳克仁考授 徐登瀛

袁翼明附 袁德益附 袁德新袁補袞袁必邁袁昌裔袁志契袁志

益袁洗附 周櫛附 周相附 高日崇附 高標增 聞燦吳藩附 羅含一

徐鍾大候選主簿 聞廷榮附 羅琳廩 吳啟仁高雪廩 吳啟禮附 駱培洪

新登縣志

卷二十 拾遺

二十三

禹附 章明視黃琮劉正宇陸介福羅錦黃鶴鳴廩 羅逢濬洪瀚附

高谷懷羅兆華廩 王學灝附 趙儲學附 周蘭附 周紹隆附 袁象璟

附 袁一忠附 沈士芳附 袁一德附 俞新科于文璣俞璟羅奎附 徐

本桂袁一飛唐風徐燾附 吳山附 徐文選吳均附 徐繼儒沃基周

遵路增 袁錫昌附 羅九儀附 洪榑附 吳塘附 徐宏敏廩 凌士珍附

吳增附 沈士俊附 洪杭附 徐宏銘附 聞錫祚附 汪元第附 劉鴻翼

附 洪映麟沈纘增 袁洪廩 沈箴附 趙希元附 袁錫藩廩 沈卓附 羅

純一附 周履和附 吳善繼監 潘肇崑監 潘肇崙監 潘象旻監 潘象

吳監 吳振聲監 羅欲組監 鍾嘉禎監 徐行監 徐傑監 潘肇岷

舊志載吏員明吳政倉大使 孫謙倉大使 袁昺倉大使 汪清倉大使 潘佑巡檢

諸仁巡檢 錢廷瓚史典 袁伯賢吏目 羅福吏目 王騮吏目 諸瓊吏目 盧坤凌伯鳴

京衛經歷 陳本巡檢 陳渭倉大 陳懷驛丞 邵志倉大 王浙巡檢 袁倖倉大 白廷

盛驛丞 白廷傑沃天衢葉龍史典 錢金潘籓吏目 凌宙徐良知倉大 章像

徐良憲驛丞 趙文何子孝陳釜石廷達陳鏞何傑袁溱縣丞 袁鳳方秋

典儀 陳鍊倉大 袁漕倉大 袁介吳一望陳孝郎偲主簿 郎優巡檢 凌松

正 太醫院 盧文義省祭 童偲徐紹伊登仕郎 徐叶麟主簿 沈化州同 袁仲賢史典

吏目 俞鐘省祭 徐懋鑾府照磨 鍾應禎潘壇將仕郎 徐師泌候選知縣 施安千戶所

清羅芳錡經歷 章槃史典 羅豐有潘登高巡檢 徐億清府經歷 王漣洪廷楫

諸葛銘考授 吳卓然縣丞 潘鳴嵩

人物

新登縣志

卷二十一

拾遺

二十四

施肩吾所居為塘頭施村乃新分二邑交界處邑志列其名於選舉表旁註云吳興貫分水人又云嘉靖以來縣志皆載入新城殊未明哲徐時敦 閒雲錄

唐長慶三年分水慶雲山有五色雲起占者曰大魁之兆施肩吾讀書其上元和十年果中狀元慶雲山頂有洗硯池分水縣志

新分二邑稱施肩吾為狀元相沿已久唐元和二年施肩吾登廬儲榜第十三名進士非第一人也惟古稱狀元不必第一名唐鄭谷登第後有耳邊聞喚狀元聲語按谷登趙昌翰榜第八名亦非第一此其例也徐時敦 閒雲錄

施肩吾隱洪州西山嘗貽徐凝書其略云僕雖忝成名自知命簿

遂養性林壑棲心元門賴仙聖扶持雖年近遲暮幸免龍鍾後題

西山學仙者施肩吾頓首徐五處士詩仙執事

分水縣志

陸游修心鑑跋高祖太傅公嘗還朝見異人行空中足去地三尺許邀與俱歸則施先生肩吾暨古仙人胡接真也因授鍊丹辟穀

之術

徐時敦
間雲錄

羅隱負文稱然貌古而陋宰相鄭畋女幼有文性嘗覽隱詩卷諷誦不已畋疑其女有慕才之意一日隱至第鄭女垂簾窺之自是

絕不咏其詩

舊五代史

羅隱在科場六舉不第時長安有羅尊師者深於相術隱以貌陋恐爲相術所棄每於尊師接談常自大以沮之及累遭黜落不得

新登縣志

卷二十一

拾遺

二十五

已始往問焉尊師笑曰貧道知之久矣但以吾子決在一第未可與語今日之事貧道敢有所隱乎且吾子之於一第也貧道觀之雖首冠羣英亦不過簿尉耳若能罷舉東歸霸國以求用必富且貴矣兩途吾子宜自擇之隱懵然不知所措者數日隣居有賣飯媪見隱驚曰何辭色之沮喪如此莫有不決之事否隱盡以尊師之言告之媪歎曰秀才何自迷甚焉且天下皆知羅隱何須一第然後爲得哉不如急取富貴則老媪之願也隱聞之釋然遂歸錢

塘

五代史補

隱罷上中書之日費窘因抵魏謁鄴王羅紹威將入境先貽書叙家世鄴王爲姪幕府僚吏見其書皆怒紹威曰羅隱名振天下王

公大人多爲所薄今惠然肯顧其何以勝得在姪行爲幸多矣敢不致恭於是擁旆郊迎一見卽拜隱亦不讓及將行紹威贈以百萬他物稱是仍致書於鏐稱叔父

五代史補

羅隱初寓池州梅根浦刺史竇滂營墅居之因自號江東生

十國春秋

隱與顧雲等謁淮南高駉隱見駉酷好仙術潛題后土廟刺之連夕挂帆而返巫者告駉駉怒發急棹追之不及後駉遇害隱著妖

亂志以非之

十國春秋

隱夏口詩中有一箇襴衡容不得思量黃祖漫英雄句錢王覽詩大笑加殊遇貽以書曰仲宣遠託婁荊州都緣亂世夫子辟爲魯

司寇只爲故鄉

十國春秋

新登縣志

卷二十一

拾遺

二十六

時西湖日納魚數觔號使宅魚會王召隱題磻溪垂釣圖隱借詩寓意曰呂望當年展廟謨直鈎釣國更何如若教生在西湖上也

是須供使宅魚王遽蠲其征又一日寢疾王親臨撫問因題詩於壁云黃河信有澄清日後代應難繼此才隱爲續末二句幕紅紗

於上以誌恩遇焉

十國春秋

唐昭宗欲以甲科處隱有大臣舉隱華清宮詩云也知道德勝堯舜爭奈楊妃解笑何其事遂寢

十國春秋

青州王師範嘗遣信贖禮幣求詩及得隱詩大喜又令狐滈登進士隱賀以短章滈父綯曰吾不喜兒得第喜得羅公一篇耳其見

重當世有如此者

十國春秋

隱頻不得意頗怨望爲貴遊子弟所排契闊東歸黃寇事平朝賢
議欲召之韋貽範曰某與同舟而載未相識舟人告云此有朝官
羅曰是何朝官我脚夾筆亦可敵得數輩必若登科通籍吾徒爲
糝糠也由是不果召

北夢
瑣言

鍾陵妓雲英隱與舊下第見之雲英曰羅秀才尙未脫白耶隱遂
贈以詩云鍾陵醉別十餘春重見雲英掌上身我未成名君未嫁
可能俱是不如人

鑑戒
錄

江南李氏嘗遣使聘越越人問見羅給事否使人曰不識亦不聞
名越人曰四海聞有羅江東何拙之甚使人曰爲金榜上無名所
以不知

全唐
詩錄

新登縣志

卷二十一

拾遺

二十七

閩中書笥灘玉髻峰皆留隱異跡黃滔贈隱詩云三徵不起時賢
議九轉丹成道者言

十國
春秋

世傳羅隱出口成讖今父老猶言之鑿鑿然其語皆荒誕不經王
漁洋五代詩話引纂要云池州建德縣有金鷄石隱嘗過此戲題
云金鷄不向五更啼石遂破裂有鷄飛鳴而去此出語成讖之一

證今新登鄉亦有金鷄石

徐時敦
間雲錄

乾寧四年春正月唐昭宗在華州命行軍司馬杜棱都監吳璋帥
師討東陽安仁義復攻睦州一夕大風雨賊衆驚擾遂趨歙而遁

吳越
備史

杜建徽少時破一砮獲巴豆一裏誤爲松子與人分食之人皆死

獨建徽無恙

萬曆
縣志

杜建徽少驍悍臨敵輒單衣入陣不介馬而馳從王弟鏢援姑蘇與敵遇河梁斷處鞭馬徑渡及岸馬斃而建徽自若也因瘞其馬

號曰馬塚

十國
春秋

陳晟爲八都將之一主清平都中和三年董昌據杭州柳超自常熟入睦州刺史韋諸殺之四年晟爲餘杭鎮使攻諸諸以州授晟晟據睦州十八年死弟詢代立畏錢鏐忌已因徐綰亂與田頔通鏐割桐廬隸杭州詢遂絕鏐攻蘭溪鏐使方永珍擊詢天祐元年楊行密遣將闕咥陶雅救之執鏐弟鎰大將王求顧全武等未幾鏐將楊習攻婺州詢乃奔楊渥見新唐書周寶傳按十國春秋以

新登縣志

卷二十一

拾遺

二十八

晟爲餘杭人然邑寧善鄉有陳氏園古墓山均相傳爲其宅墓所

舊
志

許規遠四世孫宋時嘗寓宣州客邸傍舍客有病者乃建康人規爲請醫終不愈其人因以橐中金百兩付規託以後事規爲之棺殮并以餘金還其家人稱爲長者

宣義郎萬延之性剛不能屈曲州縣中年拂意而歸徙居餘杭行視苕霅陂澤可爲田者卽市之歲收租入數盈萬斛常語人曰吾以萬爲氏至此足矣卽營建大第爲終焉之計家蓄一瓦缶蓋初赴選時遇都下銅禁甚嚴因以十錢市之以代沃盥之用時當凝寒注湯頰面旣覆缶出水而有餘水留缶凝結成冰視之桃花一

枝也衆甚異之以爲偶然明日用之則又成雙頭牡丹一枝次日又成寒林滿缶水村竹屋斷鴻翹鷺宛如畫圖遠近景者自後以白金爲護什襲而藏遇寒凝時卽約客張宴以賞之未嘗有一同者其最詭異方上皇登極而致仕卽例遷一秩萬遷宣德卽詔下之日適其始生之辰親朋畢集是日復天寒設缶當席旣凝冰成象則一山石上坐一老人龜鶴在側如所畫壽星之象觀者莫不咨嗟歎異以爲器出於陶革於凡火初非五行精氣所能鍾而變異若此竟莫有能窮其理者然萬氏自得缶之後雖資用饒給其剝下益甚後有誘其子結婚副車王晉卿家費用幾二萬緡而娶其孫女奏補三班借職延之死三班亦繼入鬼錄餘資爲王氏席

新登縣志

卷二十一

拾遺

二十九

卷而歸二子曰就淪替今至寄食於人衆始悟萬氏之富如冰花在翫非堅久之祥也後歸蔡京家云

宋稗類鈔

孫清字鳳山相傳居鳳仙橋紹興十七年撰重修學記又撰放生

池記文筆頗爲高雅

舊志

明唐肅字處敬先世家新城遷於山陰肅博通經史旁究陰陽醫卜書數之學兼工篆楷書元至正十九年中浙江鄉試歷嘉興路儒學正洪武三年詔修禮樂書擢應奉翰林文字兼國史院編修以疾失朝免官謫佃濠之瞿相山歲餘卒

曝書亭集

袁純天順間由舉人官湖廣道監察御史後人名其祠爲柱史第攷侍御史主藏書冊不司糾察通攷周柱史卽漢太史非御史臺

監察御史稱柱史於義未當

徐時敦
間雲錄

湯球素性誠恪不苟言動晚授吏目不就歸山林甘淡薄鄉評重之

萬曆
縣志

袁臬任山東濟南訓導參政黃臣郎中劉天民皆出門下

嘉靖
袁志

徐旭字東昇太平鄉人富而尚義嘉靖間歲大歉旭出粟千餘石為粥以賑全活以數千計當事旌以額曰義風舉大賓三次

方炬長蘆知事委查鹽場不苟巡臺嘉獎之尋擢霑化縣縣丞即乞休歸行之日鹽商不忍捨運長以下咸以言贈

嘉靖
袁志

清袁之龍順治乙酉遇賊刃喉幾斷暈絕於地家人舁之歸漸甦曰吾當昏暈時見雲麾使者授我藥二丸曰服其一傳其一則無

新登縣志

卷二十一

拾遺

三十

患矣家人漫應之索其袖果得藥如法用之創遂合

徐時敦
間雲錄

汪秉鑒兗州經歷潘可舉樂城主簿陳秉衡德陽主簿崇禎末並遇清兵破城死難

參舊
志

袁夢桂字曉凡邑廩生識趣異常語若不可解後多驗宗人朝司訓雲和夢桂餞之大哭朝竟卒於官拔貢徐銘硯方總角夢桂見之輒摩其頂曰吾與爾有緣後補諸生試高等夢桂往索其酒曰爾多酌我吾廩缺與爾夜向廳事前荷池跌坐而逝水固僅止半身也識者以為尸解

舊
志

順治間陳一元善畫竹見畫徵錄康熙間徐士章善畫古賢仙佛袁璣善畫蒼鷹鶴嘉慶間邑增生陸南金善畫山水長幅尤妙

曾見賞於鉅公稱爲杭郡第一

舊志

凌之蘭字涵谷康熙間諸生父某因事獲譴之蘭隨其舅父奔走營救閩督署請昭雪卒不免父死後哀毀終其身所著癡夢草搥心泣血至性流露有古孝子風

科舉盛時世俗惑於形家者言每於都邑衝要名勝處建以文昌奎星等閣謂可培護文運我邑南門外文昌閣當建築時有鄉人過其下謾言曰今科殆可中得一人矣木工方高踞梁巔施斧鑿應之曰中二人何妨是年爲道光庚子邑人吳璇方坦果同領鄉薦鄉人何與吳方與妨皆諧聲

潘炳奎字桂仙邑諸生少從進士方坦學爲人強毅有爲咸豐庚

新登縣志

卷二十一

拾遺

三十一

申炳奎率鄉團守白峯嶺出家貲助餉同治初奉檄辦粥廠於南門藥王廟以拯遺民時巨憊初平伏莽未靖知縣姚原焯請耕牛穀種於衢州左宗棠營衆憚路險不敢行炳奎毅然請往事賴以濟

葉斯藎字蔭桃號晉漁道光間廩貢生工詩文善畫墨蘭館三溪洪氏家凡八年子弟皆從之游知縣洪樹培官河南招之往以軍功官 縣知縣改南陽府教授未任而卒著有蔭桃山房文稿 緱山樵者詩草

張得魁 人世居淶渚年二十二充杭州一標三營隊兵民軍反正隨攻駐防營陣亡

舊志載壽民壽婦元至元九年七賢鄉爐頭鍾露一百歲至大四年太平鄉徐開宗一百八歲明嘉靖四十五年新登鄉陸鍾妻袁氏一百二歲天啟間寧善鄉朱憲妻袁氏一百歲東洲鄉郎本初妻 氏一百九歲城郭鄉袁文明九十五歲清昌定鄉羅元宰一百歲折桂鄉凌天錫凌渠皆一百歲寧善鄉沈伯富九十六歲伯富孫瑤九十五歲祥禽鄉楊承運九十四歲城郭鄉周文士妻聞氏九十九歲廣陵鄉洪日昌妻汪氏九十三歲日昌女寧善鄉徐凌霄妻洪氏九十二歲城郭鄉袁湧妻周氏九十三歲寧善鄉徐承源妻袁氏九十三歲今訪昌定鄉鍾士芳九十九歲祥禽鄉諸葛俊九十七歲寧善鄉朱學鳴九十六歲城郭鄉袁交泰妻周氏

新登縣志

卷二十一

拾遺

三十一

九十五歲寧善鄉徐宏建妻錢氏一百歲道光三年寧善鄉黃雁書妻袁氏一百歲十七年新登鄉練頭徐尙達一百歲
舊志載五世同堂一家一廣陵鄉職員洪材之母下見元孫一昌東鄉民人施公宰嘉慶丁巳邑今趙城給額獎之

舊志載明成化五年李福孫廣富章文聰各出穀三百五十石羅善二百石孫永成一百六十石司府奏請勅賜義門立石題名福受文政嘗兩出粟貯之義倉永成祖萬二正統景泰間前後出穀五百石弘治十三年寧善鄉人盧翰捐賑饑米六百石勅賜義門立石成化九年城郭鄉人潘鑒賑饑撫按獎賞萬曆二十二年城郭鄉人潘儒賑饑撫按獎賞清順治九年南安鄉人郎裕陳士昌

吳人表歛粟賑饑康熙間大平鄉人徐如燿賑饑三次昌西鄉人
俞美俊捐米五十四石賑饑乾隆二十一年昌東鄉人施廷佩施
遐瞻施祥瞻捐米賑饑三十一年邑庠生城郭鄉人袁象璋捐米
二十石知縣楊敷給匾又士昌子泰宇復出穀米以濟鄉閭廣陵
鄉人洪日皓買米平糶分水知縣給匾

列女

宋林杜娘杭州新城人有碧沼勝居詩見周壽昌歷代宮閨文選

參舊志

周婉青田教諭章楹室

餘杭縣志

按章楹諱崖脞說云先室周氏十五結褵性淑而慧嘗偕坐後
軒看雨新燕掠溪如剪忽操筆書小令曰風滿溪雨滿溪風雨

新登縣志

卷二十

拾遺

三十三

濛濛燕子飛畫橋西復西蓋長相思之半闕也予甚驚嘆令更
作後半闕笑而不言後三年竟卒兩浙輶軒錄載其閨情集古
絕一

羅棠妻汪氏

年三十餘夫亡守節十七年

羅際夏妻沈氏

年三十餘夫亡康熙三十一年巡按布祿安給匾嘉獎壽至八十四終

羅芳科妻潘氏

年三十餘夫亡守節二十三年撫二子爵勳成立

羅天秀妻孫氏

年三十餘夫亡守節二十九年

汪學義妻張氏

年三十一夫亡守節二十一年

主簿潘可舉妻沃氏

年三十六夫亡守節四十四年

庠生潘之莪妻陸氏

年三十一夫亡守節三十七年

庠生潘肇麟妻徐氏

年三十四夫亡守節四十四年

庠生潘樂一妻范氏 年三十餘夫亡 守節三十八年

潘際茂妻陳氏 年三十餘夫亡 守節四十五年

廩生周灝妻袁氏 年三十餘夫亡 守節四十年

庠生方琬妻袁氏 年三十餘夫亡 家貧事姑極孝 姑歿喪葬盡禮 子三俱教以成立 邑令張樹勳申請給匾

方英妻錢氏 年三十餘夫亡 守節二十八年

監生袁一容妻葉氏 年三十餘夫亡 守節四十四年

庠生袁象璟妻潘氏 年三十餘夫亡 守節四十四年

袁敏科妻金氏 年三十餘夫亡 守節二十六

袁如笙妻汪氏 年三十餘夫亡 守節二十八

袁三品妻余氏 年三十餘夫亡 守節四十四

新登縣志

卷二十一

拾遺

三十四

庠生袁鴻羽妻孫氏 年三十四夫亡 守節四十年

廩生袁鴻圖妻郎氏 年三十八夫亡 守節四十八年

袁崢妻胡氏 年三十一夫亡 守節三十

袁發榮妻吳氏 年三十七夫亡 守節三十七

袁象勇妻徐氏 年二十九夫亡 守節二十六

袁乘龍妻陳氏 年三十六夫亡 守節三十六

袁銘妻侯氏 年三十八夫亡 守節五十八

袁友慶妻錢氏 年三十三夫亡 守節四十六

袁志瑞妻羅氏 年三十八夫亡 守節四十八

袁志尚妻羅氏 年二十九夫亡 守節三十一

袁承祖妻朱氏 守年三十九夫亡

袁鑰妻朱氏 守年二十九夫亡

袁鏡妻葉氏 守年二十八夫亡

袁道敏妻潘氏 守年三十九夫亡

袁希瑜妻諸氏 守年三十八夫亡

袁昊妻水氏 守年三十二夫亡

袁朋錫妻孫氏 守年三十四夫亡

袁敦廉妻鍾氏 守年三十四夫亡

袁若林妻何氏 守年三十五夫亡

袁志稷妻羅氏 守年三十九夫亡

新登縣志

卷二十

拾遺

三十五

監生袁鎬妻周氏 守年三十餘夫亡

徐應台妻朱氏 守年三十餘夫亡

庠生徐登瀛妻凌氏 守年三十二夫亡

徐茂醜妻孫氏 守年三十餘夫亡

徐昌鼎妻白氏 守年三十餘夫亡

徐登桂妻潘氏 守年四十餘夫亡

徐拔妻李氏 守年三十餘夫亡

監生陳沅妻吳氏 守年三十二夫亡

陳淑妻袁氏 守年三十三夫亡

羅譽妻徐氏 守年三十餘夫亡

袁崙妻周氏年邁姑臥病八年賴氏調養得全厥後姑歿喪葬盡禮

徐高松妻包氏年三十餘夫亡撫二子成立遊庠邑令張樹勳給匾

陳汝舟妻陸氏年三十餘夫亡撫子成立遊庠邑令張樹勳給匾

程效彩妻沈氏年三十一夫亡撫子成立遊庠邑令張樹勳給匾

江順發妻吳氏年三十一夫亡撫子成立遊庠邑令張樹勳給匾

羅肇元妻潘氏年三十一夫亡撫子成立遊庠邑令張樹勳給匾

庠生袁旭若妻鄭氏年三十餘夫亡撫子成立遊庠邑令張樹勳給匾

袁宗文妻應氏年三十一夫亡撫子成立遊庠邑令張樹勳給匾

周祚妻朱氏年三十一夫亡撫子成立遊庠邑令張樹勳給匾

吳大諄繼妻羅氏年三十一夫亡撫子成立遊庠邑令張樹勳給匾

新登縣志

卷二十一

拾遺

三十六

吳起純妻羅氏年三十九夫亡撫子成立遊庠邑令張樹勳給匾

吳震芳繼妻邵氏年三十六夫亡撫子成立遊庠邑令張樹勳給匾

袁嘉遜妻陳氏年三十六夫亡撫子成立遊庠邑令張樹勳給匾

周庸保妻戴氏年三十六夫亡撫子成立遊庠邑令張樹勳給匾

俞秀甫妻邵氏年三十五夫亡撫子成立遊庠邑令張樹勳給匾

謝福謙繼妻孫氏年三十五夫亡撫子成立遊庠邑令張樹勳給匾

謝新茂妻孫氏年三十二夫亡撫子成立遊庠邑令張樹勳給匾

謝成顯妻俞氏年三十六夫亡撫子成立遊庠邑令張樹勳給匾

謝成文妻包氏年三十二夫亡撫子成立遊庠邑令張樹勳給匾

葉樹滋妻洪氏年三十五夫亡撫子成立遊庠邑令張樹勳給匾

葉大瑀妻邵氏 年三十一夫亡

葉大燦妻包氏 年三十二夫亡守

庠生葉凱旋妻繼妻韓氏 年三十三夫亡

葉學禮妻汪氏 年三十五夫亡

葉大禎妻徐氏 年三十七夫亡

葉士拔妻余氏 年三十五夫亡

葉昌榮妻徐氏 年三十二夫亡守

葉昌祚妻王氏 年三十七夫亡

余茂榮妻趙氏 年三十二夫亡

杜文鰲妻袁氏 年三十一夫亡守節現年

新登縣志

卷二十

拾遺

三十七

汪學朝妻沃氏 年三十一夫亡撫子錦元成

周有瑞妻沃氏 年三十一夫亡

陳志美妻羅氏 年三十一夫亡

童名芳妻魏氏 年三十二夫亡撫子嘉

沃偉齋妻沈氏 年三十一夫亡守節五

駱綜妻袁氏 年三十七夫亡

駱清瀚妻羅氏 年三十七夫亡

何天朝妻陳氏 年三十夫亡撫子萬

何沛滄妻陳氏 年三十夫亡守節

何學成妻羅氏 年三十夫亡撫子長士林又卒媳王氏年二

節三十餘年王氏
守節二十一年

何士林妻王氏 年二十八歲夫亡撫遺腹子守節二十一年

鍾兆亭妻何氏 年三十八夫被擄無歸守節三十四年

王正順妻袁氏 年三十一夫亡撫子國先國兆成立守節四十年

王國兆妻邵氏 年三十九夫亡守節三十二年康熙五十二年康

監生諸配元妻袁氏 年三十餘夫亡撫孤成立守節四十年邑令張樹勳給匾

楊大端妻湯氏 年三十五夫亡守節五十年邑令葛長祚給匾

監生諸文燮妻袁氏 年三十一夫亡撫子玠成立守節四十八年

鍾起亮妻邵氏 年三十五夫亡守節二十一年

陳應良妻孫氏 年三十四夫亡守節三十三年

新登縣志

卷二十一

拾遺

三十八

徐盛風妻繆氏 年三十五夫亡二子俱幼家赤貧苦節自勵為他人司爨學師憫其節詳准給匾守節二十四年

徐應新妻裘氏 年三十四夫亡長子方五歲撫孤守節四十七年

汪雲濤妻陳氏 年三十五夫亡撫子兩椿成立守節三十九年

汪雨勝妻王氏 年三十三夫亡守節四十年

汪聖濡妻潘氏 年三十五夫亡守節二十八年

孫名濬妻周氏 年三十二夫亡守節四十二年

楊世芳妻孫氏 年三十四夫亡守節六十六年壽至百歲無疾而終以上祥禽鄉

凌垣妻陳氏 年三十二夫亡撫子成立守節四十年

凌牢妻羅氏 年三十一夫亡撫姪為嗣守節四十八年

凌養德妻沃氏 年三十餘夫亡撫三子成立守節二十八八年

徐苻妻陳氏年三十一夫亡撫子成立守節六十年

陳以言妻羅氏年三十餘夫亡守節十八年家譜作袁氏

郡廩生陳炤妻張氏年三十餘夫亡撫二子成名守節四十五年

鍾大榮妻程氏年三十二夫亡撫姪錫齡為嗣守節三十五年

貢生鍾大猷妻丁氏年三十四夫亡守節三十九年

優貢生陳方潮妻孔氏年三十六夫亡撫子寶瑛成名守節二十四年

董錢青妻王氏年三十七夫亡事姑撫子現年六十九歲

沈廷紱妻郎氏年三十七夫亡守節四十四年

沈琚妻何氏年三十四夫亡守節五十四年

沈振甲妻徐氏年三十九夫亡守節三十年

新登縣志

卷二十

拾遺

三十九

沈華琳妻吳氏年三十四夫亡守節三十四年

陸寅贊妻潘氏年三十四夫亡撫子成立守節四十六年邑令武章給匾

陸儀妻葉氏年三十四夫亡撫姪為嗣守節四十四年

趙宏謨妻宋氏年三十四夫亡守節三十五年

汪冲繼妻黃氏年三十八夫亡守節三十五年

汪斌妻王氏年三十二夫亡守節四十四年

汪一科妻謝氏年三十五夫亡守節五十四年

汪大賢妻邱氏年三十八夫亡守節四十八年

汪之進妻鍾氏年三十三夫亡撫子望高悅成立守節四十年

運糧千總趙神山陳氏嘉興孝廉陳儀妹年三十五夫亡守節四十年以上新登鄉

郎元凱妻袁氏

年三十六夫亡撫子七年

裘士尊妻錢氏

年三十六夫亡撫子九年

陳一舉妻杜氏

年三十四夫亡撫子二年

王國重妻夏氏

年三十六夫亡撫子五年

徐士銀妻朱氏

年三十一夫亡撫子一年

徐大進妻袁氏

年三十七夫亡撫子六年

羅效恒妻徐氏

年三十四夫亡撫子一年

王樹槐妻裘氏

年三十五夫亡撫子五年

王樹槐妾顧氏

年三十一夫亡撫子一年

王學瑞妻周氏

年三十五夫亡撫子一年

新登縣志

卷二十

拾遺

四十

羅致中妻徐氏

年三十一夫亡守節撫子

章善交妻王氏

年三十二夫亡守節撫子

王作楷妻邵氏

年三十五夫亡撫子

徐中坦妻張氏

年三十三夫亡撫子錫

葉如元妻俞氏

年三十五夫亡撫子起

拔貢周宗玉妻俞氏

年三十六夫亡

俞起樑妻郎氏

年三十五夫亡撫子玉

章純仁妻郎氏

年三十四夫被寇一歲

裘寶仁妻王氏

年三十八夫亡守

程全忠妻郎氏

年三十五夫亡守節二

袁甲芹妻羅氏

年三十餘夫亡撫子儒

袁甲序妻陸氏

年三十餘夫亡撫子宗

袁明瑞妻郎氏

年三十餘夫亡撫子寶珠

袁淵智妻郎氏

年三十餘夫亡撫子誠

監生洪栳妻沈氏

大賢鄉貢生沈士芳女二十一年歸栳為朝議

持家義舉善緣輸金以助鄉里義之守節二十

洪芑培妻李氏

年親族呈邑令吳墉給匾嘉獎

洪榕妾吳氏

年道三十六夫亡守節三十四

袁宗蟾妻郎氏

年守節四十年夫亡

袁士臣妻葉氏

年守節五十二年夫亡

新登縣志

卷二十一 拾遺

袁升年妻郎氏

年現年六十六歲守

袁宗義妻何氏

年守節三十六年夫亡

羅兆萬妻高氏

年守節二十七夫亡

章繩直妻朱氏

年守節四十四夫亡

姚啟建妻章氏

年守節四十九夫亡

鮑翔豐妻郎氏

年六十二歲夫亡守節現年

徐士傳妻羅氏

年守節二十六夫亡

徐學曾妻王氏

年守節三十二夫亡

徐鍾碧妻何氏

年守節三十五年夫亡

徐宏止妻陳氏

年守節三十五年夫亡

沈甫妻王氏 五年三十四夫亡守節

沈廷鶯妻氏 五年三十六夫亡

徐琪妻陳氏 守年節三十四夫亡

徐伾妻王氏 守年節三十四夫亡

徐師伊妻凌氏 守年節三十四夫亡

徐懋詮妻彭氏 守年節三十四夫亡

徐大年妻王氏 守年節三十四夫亡

徐美上妻章氏 守年節三十四夫亡

徐起龍妻陳氏 守年節三十四夫亡

徐宏裘妻周氏 守年節三十四夫亡

新登縣志

卷二十一

拾遺

四十二

徐植妻盧氏 守年節三十四夫亡

徐成材妻高氏 守年節三十四夫亡

徐萬選妻章氏 守年節三十四夫亡

徐茂賢妻汪氏 守年節三十四夫亡 撫子

錢宗頤妻何氏 守年節三十四夫亡 難矢志守

鍾兆域妻洪氏 守年節三十四夫亡

徐鑑如妻周氏 守年節三十四夫亡

徐衛民妻郎氏 守年節三十四夫亡

汪順成妻鍾氏 守年節三十四夫亡

沈照妻洪氏 守年節三十四夫亡 邑令給匾

于蕃妻趙氏 年三十三夫亡

朱志品妻何氏 年三十六夫亡守節現年

吳紹錄妻高氏 年三十一歲夫亡撫子啟

庠生吳懋祿妻陸氏 年三十一夫亡撫子璜成

羅聖祿妻徐氏 年三十五夫亡撫子

吳澐妻盧氏 年三十二夫亡撫子學

吳二疏妻徐氏 年三十八夫亡

吳二端妻郎氏 年三十三夫亡

吳鐔妻高氏 年三十六夫亡

周文禮妻郎氏 年三十六夫亡守節現年六十三歲

新登縣志

卷二十一

拾遺

四十三

何春寶妻呂氏 年三十二夫殉粵寇

高秀崑妻吳氏 年三十六夫亡守節現年七十五歲

高自許妻陳氏 年三十三夫亡

郎學昌妻高氏 年三十六夫亡

郎金生妻陳氏 年三十三夫亡

郎雲標妻高氏 年三十一夫亡守節二十二年以上南安鄉

釋道

晉郭文舉寓居碧沼寺中有一虎張口向之文舉視虎口有刺骨
手取出之明日虎負一鹿置室前去溫嶠問曰猛獸害人人之所
畏先生獨不畏耶文舉曰不害獸則獸亦不害人

舊志

宸行者不知何時人建行者橋舊志

清何懋志字維春幼習符呪術為江西張真人法官者十八年歸時攜猛虎自隨馴伏如家畜晚年知明祚將終忽攜虎至青田隴覆缸跌仆三年始歿歿後人常見虎守墓不去又三年後虎乃不復見

職官

管贊賢宋淳化初為將校見松溪舊記舊志

楊才叔淳熙二年為邑宰未知即楊思齊否舊志

彭循淳祐三年進士授臨安府新城縣令葬富陽隴口

劉漢臣元新城尹見酈居敬登新城城樓和雷趙二公韻并贈新

新登縣志

卷二十一 拾遺

四十四

城尹詩攷元史雷膺本傳至元二十三年授江南浙西道提刑按察使是年新城尹無攷二十四年尹新城者為劉公弼恐即漢臣

舊志

舊志載農官洪枚卜雍正間高勝民雍正七年凌三傑雍正八年汪文望乾隆五年

童仁乾隆間袁起昭乾隆十六年李本朝乾隆十三年施育華乾隆十九年李學宗

嘉慶十年羅兆京道光三年

舊志載醫學訓科丁中本邑城郭人陸用舟海鹽人方喆洪武間唐人方平方

琛永樂十年方鏞景泰四年羅環景泰六年方浩方繼美方惟宗方垣俱城郭人吳

應元方銘成化九年方泗嘉靖十五年方煥隆慶三年童傑萬曆間羅榜萬曆十年吳正

蒙方垚萬曆十四年王三謨崇禎十年羅靈昭康熙間羅文耀康熙間徐美瑤

康熙十年 潘鵬 雍正十年 周紹誠 乾隆 彭性三 乾隆 王作義 乾隆 羅
三年 乾隆四 十五年 正國 十五年 周紹誠 乾隆 彭性三 乾隆 王作義 乾隆 羅

舊志載陰陽訓術汪雲山汪元清郎春汪直羅彥奇羅懋恩羅誥

正德十一年 馮應奎 萬曆六年 陳地 萬曆三十四年 陳純 崇禎十年 朱必選 崇禎十年 陳

昌裔 順治十年 俞靈徵 乾隆十年 俞鯨 乾隆十五年 程岱山 乾隆十四年 陳名魁

乾隆十七年 王士華 乾隆十八年 程靜川 乾隆十九年 陳有欽 嘉慶十年 蔣鴻 嘉慶十四年

朱耀進 嘉慶十四年 王景榮 道光二年

舊志載僧會司世傑 萬壽菴僧 彌高善思圓錡 俱寶乘寺僧 德海見性松筠

定修 俱普照寺僧 守成隆科聖雄寬信融健戒念 俱碧沼寺僧 如淵湛企法

宗玉峰覺性靈彩觀性覺慧 俱多福寺僧 真詮清祚大千亮成 俱貝山寺僧

新登縣志

卷二十一 拾遺

四十五

永鎮 明寂寺僧 能襄 福光寺僧 覺尊 洞山菴僧

按農官以下舊志均附職官後今錄此

名宦

蘇軾字子瞻眉山人宋熙寧四年通判杭州六年二月循行屬縣由富陽至新城時晁端友令於是素友善有詩唱和明年八月捕蝗至浮雲嶺遂登青牛嶺高絕處人迹罕到之小寺題詩又與晁補之遊陳氏園越十六年為郡守宰新者則為許仲蔚亦軾所禮

重者 舊志

按此條舊志列遊寓但坡公行部至新事關職守應列此

張杓字定叟漢川綿竹人知臨安府奏除逋欠四萬緡米八百斛

耿秉率京尹張杓申言新城額外之賦民不堪命請以兩司羨餘代輸杓因配祀耿公生祠蓋耿先令於此後官戶部侍郎者也杓之有惠於斯允宜馨香無廢

舊志

胡濬字源淵鉛山人進士明天順改元知杭州府躬行屬邑察民利病時值久旱行次新城見田疇乏水灌溉濬登山周視見五里之外有水可引爲濟召其主諭以引水開渠田遂得水是歲大熟民感其惠名渠曰胡公渠

舊志

范永齡爲令邑中有三異事林中老柏枯死既久忽然柯葉復生有竹亦然鄰境有虎噬人而邑中無一虎跡舊土城下得斷碑上有唐年號邑令亦姓范也

萬曆縣志

新登縣志

卷二十一

拾遺

四十六

馮賡清順治初令新邑頗有善政能平訟尤愛士祈雨立應後以憂去有東安異政錄皆紀頌其德作者凡百餘人

盧懋蘊東陽人歲貢康熙六年任訓導校士課文門明大全蔚然

可觀

舊志

孫毓珩康熙間遇旱禱於北山龍王廟步行折柳爲杖禱訖雨驟至棄杖疾趨而下柳復生迄今高踰百尺大至十圍

舊志

羅燿雍正丙午爲同考官得一卷奇之卽首薦復薦五人主司取其五而置首薦燿再四言之不得乃索五卷盡抹之主司驚謝遂中高第及拆卷爲賀光烈乃秀水名士籍於桐鄉者

舊志

藝文

吳越羅隱撰吳公約神道碑銘云吳山蒼蒼吳水泱泱降生英靈
爲公爲王以嚴師旅以奠封疆派而別者武亦鷹揚取直之方捍
巢之績雖從本軍實展良畫踐履禁旅光揚事迹乃自西桂遷於
硤石上軍東伐諸將西征賈以餘勇資乃銳兵稽山霧廓京口波
清再從貂冕始拜冬卿吳會紛紜淮右奔競驅其凍餒犯我疆境
躬勵精卒恭承上命雪際松貞風中草勁元戎承制聖主酬勞大
起名重司元望高優遊渥澤出入官曹所謂雞省全資豹韜恭仰
府城載崇吾園惟力是助厥功以舉雲矗千塚土攢萬杵率以資
產役以軍旅乃頒異寵乃正華資大國綱紀雄藩羽儀牀間牛鬪
杯裏蛇疑天胡可測神亦難知有裨於時有功於物一代殊勳二

新登縣志

卷二十一

拾遺

四十七

品清秩不謂不達何獲何失瑞馬神羊金箱玉室按舊府志民部
尚書吳公約墓在仁和縣桐扣鄉羅隱撰神道碑僅存銘辭其序
文不可見矣

江東羅諫議隱撰吳越行營露布曰羅平者啟國之名順天者建
元之始又曰將軍門稱天冊之樓以會府爲宣室之地時董昌僞
國號羅平年號順天吳越備史所載無全文止此數句

嘉靖
袁志

元楊毅明齋高士石羊先生傳徐明德字德卿號明齋南州孺子
後裔也父元四博學通五經深究性理經世大業砥行純孝余輩
私謚爲節孝先生明德世其學又親受業於任叔實門下善覽天
文究極經濟余輩以安石相望性傲徹不肯應進士科負奇客遊

所過名山舊跡故國遺墟輒慷慨悲歌製詩弔古至嚴子灘爲文祭子陵時郡守見之以幣禮聘謝曰我將與子陵爲伍公不許我將曳尾遊耶去之有友招至括蒼時劉基應進士家居與之語日夜不寐徵其名不之告但稱爲石羊先生乃因之多寓言故人參政周琦欲薦爲館職辭曰有田可耕有書可讀吾其寄傲東軒矣嘗著澄清錄二十篇行臥自隨酒酣興餘即閉戶擊節曰此滌氛先資也秘之待明主好作古風詩流傳甚多古剝殘邸留題石羊先生者多其筆也趙仲穆待制好其詩稱爲今之韋蘇州因爲題間居額榜之石羊山中山在葛溪左林木陰翳禽鳥往來如梭出門惟與牧豎伍亦復得無論魏晉之趣余輩雖各居一村郵詩往

新登縣志

卷二十一

拾遺

四十八

來相規陶彭澤之風以石羊先生爲盟主第不知余輩誰爲劉柴桑他日幸不見嘲如周續之三郎在余六人自勉矣

明草堂先生凌善之天柱山賦太極肇判品物流形江漢岳瀆於焉以分東安有山天柱得名偉矣哉斯山之爲山也雄據一方壯觀古今中庸爲地道之博厚大易著坤元之利貞盤橫兮不知其幾里崔巍兮不知其幾尋但見天與山接山與天隣地出甘泉兮有脈天降時雨兮有雲大雷磅礴兮圖畫烏墻環城兮丹青下有虎嘯上有龍吟東南西北兮且瞻且仰春夏秋冬兮無變無更望之者如嵩如岱如華如衡登之者再行憩再喜再驚方其春且夏也杜宇啼月黃鶯轉林杏花發兮如火躑躅秀兮如金梅熟兮可

調宰相之鼎槐黃兮俄驚舉子之心斯蓋一年之富貴遊人騷客孰不爲之欣欣及其秋且冬也丹桂其馨黃菊其清明月兮當空皎潔宿霧兮四海晦冥風起兮白雲縹緲霜隕兮黃葉凋零是亦四時之代謝達人大觀得不爲之傷情是故上有獨角仙祈雨得雨祈晴得晴祈安而三災殄滅祈稼而五穀豐登東有隱君子乃微子之裔虎臣之孫非吳將軍之宗派則唐學士之雲仍信乎申甫鍾岳伊尹困莘地因人勝人傑地靈言未既有客謂予曰有山如許故爲一美青山綠水富貴二屏子其賦之我與子聽予應之曰噫嘻是山也東瞰松溪南接丹井二水渺茫兮烟波萬頃東山聳翠兮風月雙清予將依山兮築醉翁之亭激水兮濯孺子之纓

新登縣志

卷二十一

拾遺

四十九

朝於斯夕於斯誦詩讀書以樂吾生饑則食渴則飲枕流漱石以終吾身客曰是予之志也於是乎書乃三嗅而興

羅永年壽放支軍糧記正統十四年正月初六日蒙欽差總兵官寧隱侯陳懋太監吉祥平江伯陳瑄保定伯董梁尙書金濂統率大軍一十萬經過本縣前往福建處勦除逆寇鄧茂七葉宗留等彼時人民遁匿官吏逃避合用糧草無人放支壽雖致仕豈容坐視不理於是與同隨軍刑部郎中陸矩督同糧長袁璲將官貯糧料依數放支以襄官吏之不逮其間軍馬擾攘猙獰萬狀勢焰滔天旗幟若錦不能枚舉姑述其概以記一時之事云正統己巳正月六日大軍一臨山川改色居民獸奔官吏逃匿合用糧料無處

支給軍馬惶惶饑困可必總兵寧陽太監姓名保定董都平江陳伯尚書金濂衆之區畫郎中陸矩與余舊識再三籌議設奇制術說我支放免官吏責餘事休論且道行跡十萬精兵猙獰匪一掌陣八人旗牌青白或銀兜鍪或盔朱漆乘時虎賁勢焰烜赫短戟長矛干戈矢石動經百萬旗幟俱赤武衛奮揚孰敢喘息賢明山前下浦地側六軍雲屯峰屯蟻集鼓譟喧天師出以律嗟彼宗留鄧氏茂七罪惡滔天萬姓勞役蚊蟻負山有何筋力泰山一壓粉身碎骨遺臭萬年名稱逆賊律惟我朝聖人間出麟鳳交遊屏翰豎立萬方一統四海寧謐觀茲盛事庸以記述

李之藻旌德祠徐子方傳贊公諱直字子方新城人父通幽達明

新登縣志

卷二十一

拾遺

五十

審時度世見元末世亂隱於縣之洞橋子方夙承家學篤志勤修子史百家靡不覽究聲望赫然無意功名富貴自號閒雲高皇初聘贊帷幄不赴聘撰讀翰林又不赴洪武十七年作興文學手敕教諭仙居乃應命在任設範作人明倫正俗講習有業升降有規士類向風不啻蘇湖之教數載乞歸歛迹於東安正已率物仰重鄉閭凡枉直輩取決一言靡不歎服卽古陳仲弓王彥方不是過也訓迪子弟執守耕讀毋末務浪遊以故科第著聲庠貢迪選在泮英俊繩繩不絕其他力穡豐資迄今稱盛世踵其家教云著有閒雲集傳誦於世贊曰猗歟隱翁德碩名宏鄉邦推重學校欽崇不役富貴無藉華豐子孫濟濟食報無窮

清邑令羅之新城羅氏家譜序豫章之爲木也其蟠根爲最大以之爲室廬舟車械器之用稱良材焉其爲用也又最博故凡木之性遷其地勿能爲良惟豫章之生也遍天下其輪困扶疎礪雲表而出天末柯分條布垂蔭十畝百畝者豫章爲多豈扶輿磅之之氣鍾於是木者獨厚耶抑其培而養之者固有入事存其間耶吾宗始於豫章郡郡固以木得名開之者實漢司農懷公爲吾族始祖者也夫自漢迄今歷年二千歷世六十其間陵谷滄桑陵夷衰微者不知幾何族矣而司農之子姓在江右者固碩大繁滋即散處於吳越閩廣秦楚間者亦皆雲礪奕葉能不替其家聲眞如豫章之千柯萬條之無不敷榮焉者乙巳秋余承乏新城得晤宗彥

柳沾玉立御嘉次玉景周繪衣佩青諸君衣冠文物濟濟林林間謁其祖廟故家喬木之思宛然在目詢其源流則南宋時六一公從豫章遷居茲邑於今十有七世余又益信吾族蟠根之深而得天之厚也今年冬其宗譜告成柳沾諸君以余誼屬一本也問序於余余惟宗譜之修仁人孝子所以尊祖敬宗而收族者於是乎在諸君汲汲焉起而成之可謂知本計矣今夫豫章生七年而後別凡木由是而拱把而尋丈使無以扶持護惜其根莖俾其生意盎然勃然而不傷於斧斤則亦無以遂其挺壑昂霄之勢則吾宗之所以培而養之者亦唯是毋闕於牆毋囂於訟毋荒於嬉毋胥戕胥虐以撥其本根而斲其生機將食舊德而飲天和造物之鍾

靈益厚俾豫章之推望族者咸於新城屬耳目焉是則余之所厚望也夫時雍正四年月日

太平戚學標羅節母傳太孺人何氏故山友羅太翁配同年澹石學博之母也生詩禮家有資性爲女公子時嘗受書在私塾手卷吟哦不妄訾笑父素愛之曰此喃喃若肩經郎惜不冠櫛耳凡書算鞞結縫綫暨蘭桂勺藥之和不學而精顧獨好篇籍年十九歸太翁資裝中猶以書簾自隨太翁少失怙恃惟祖母楊在頭皤然矣太孺人旣廟見卽躬婦職大事資章餘不敢煩老人起居所以周護之者甚至語太翁君少孤露非太母無以至今日甘旨之奉寒溫之適君父任之若立身顯名以揚其親所以報也君其圖焉

新登縣志

卷二十一

拾遺

五十一

閨門中講論書史若朋友太翁故嗜學由是益自劬勵降年不永得羸疾至不起太孺人之倉皇日夜延醫料湯藥祈禱者萬方矣拊棺一慟幾絕旣而泫然曰吾向讀劉向列女傳感息夫人同穴之詩非不欲從吾夫地下藐孤煢煢誰託且棄養不顧使白髮祖母重見此慘而傷其心爲罪滋大於是強起任事以失所天常私悲悼未嘗敢叫然而聲微重閨也旣終祖姑喪家無儋石儲乃挈學博君自新城至錢唐依外家蓋母氏實書速之居恆自課兒夜共一燈且讀且織漏三下未已學博君未就外傳已開淵布筆詞意斐然試卽列庠何宗謂此吾家魏舒也太孺人女兄適汪氏數來太孺人所曰甥不凡妹當食其報妹毋苦願以息爲若婦太孺

人欣從之結縭後事事學其姑相得懽甚也未幾學博君以選拔生高等主青田校奉迎太孺人太孺人則進訓之曰祖父兩世讀書不得志今爾幸見頭角即泉下亦含笑顧此造就人才地昔明山賓屢爲學官元行冲願爲都講盡心所職亦足自効勿謂廣文官冷也以故學博君在任六年教思甚著乃又不祿猝患喉疾卒時汪孺人長子纔三齡次子景禧尙在腹哀感萬狀太孺人泣且言曰嗟乎叢蘭欲茂秋風敗之吾安之爾亦安之天道茫昧怨尤無爲立節撫孤吾與爾盡所當爲而已學博名爲官身後貧如故新城室已他售仍來杭僦居江干汪孺人勤操作太孺人則如韋逞母親經姑媳在一樓隣人罕見其面茹苦食澹如此者十餘年

卒成其孤爲聞人太孺人終年七十汪孺人亦不久謝世蓋彼此心力盡矣宜景禧追述之有餘痛也嘉慶七年有司具太孺人節行行請於朝已得旌汪孺人則有待學標以年家子知太孺人之賢甚悉又感景禧之意爲具而傳之

錢塘屠琴陽倬羅節母傳孺人姓汪氏系出新安父誠杭郡庠生無子視女若子自幼課以書史識古今大義年十七歸學博澹石羅公學博少孤母何太孺人在堂爲孺人姨母孺人性端重而敏慧好典籍女工少暇即與太孺人上下議論閨闈中若講肄姑媳間如師友焉學博公旣承母訓又得賢內助學日益勵以選拔貢生爲青田校官挈家之任并迎孺人父母以養孺人之志也居官

六年學博患喉痺卒時長子承烈纔三歲次子景禧遺腹生旋以喪歸杭僦居江干家甚貧孺人身任之不以勞其姑及其父母且侍養尤加謹太孺人每顧孺人曰爾不幸與我同命輒泣下孺人必飾他辭慰解怡怡如平日景禧或啼饑急呵止之曰勿使老人聞恐姑聞而不樂則我與汝罪愈重也歸杭後孺人父母相繼卒葬於橫山祖阡身自經理又數年何太孺人亦以疾卒附身附棺必誠必慎當太孺人之未亡也每以昔之課子者課孫洎其歿也孺人親自課子一如太孺人之教而孺人至是心力愈瘁矣乾隆己未三月患脾洩卒年五十子承烈先卒次景禧早有成立以行誼文學負時望兼旁通法律爲名公卿延引無虛日膺辛酉科選

新登縣志

卷二十一

拾遺

五十四

拔貢生臨海縣訓導保舉知縣孫以智新城學生

洪燾書羅隱傳後嗚呼國家存亡之際最足觀君子之用心矣昭諫公丁唐末造窮於所遇今讀其請追癸巳日詔謂陛下憂岳瀆亦憂之矣直通乎天人之際也讀上宋招討書謂將軍必能知恩用命謂彼之望將軍如沸之待沃壓之待起直迫於水火之救也讀理亂論謂文武者理國之利器然章邯以軍旅而分秦田常以仁義而篡齊非文武有去就之私實由人主之失其柄爲一時匡濟亦千萬世龜鑑之言也豈特交臂事賊數語足以褫朱三之魄而壯錢鏐之膽乎丁卯梁纂公卒於己巳吾知三年中老淚不勝揮矣起李家二十帝而問之二百年進士科爲誰設當亦嗚咽不

忍言也夫以公之抱負得所設施而吳越英才調和共濟安在唐祚不可以稍延乃本傳僅摭其詞之工嗚呼略大節而取文章公之心殆沉沒千古矣至云公性傲睨好譏評人物尤不可解彼亦思公之時何時乎昭宣之間綱紐頽壞亂臣賊子狼恣蜂屯不於此時立崖岸寓褒貶而欲和光詭隨將必以莽大夫之美新爲明哲矣宜公當日作梅先生碑以自況且錢鏐素慢士而遇公有殊禮一生正直可知不揣君子之用心而予小人以口實余之所以歎息痛恨於作史之難也嗚呼四海爲家九州多事而惓惓於唐者誰歟讀書論世如見其心本傳失要而沈崧墓志又忌諱不詳故表而出之

新登縣志

卷二十一

拾遺

五十五

羅樹績新登鄉風土記新登之巍然萃律屏障東南者曰神山山以神名其有神異存乎其下爲碧鳳鳳不鳴於高崗而以壁稱隱矣神山之北爲佛嶺云鑿嶺路時得銅佛因名之斯地民俗無鼠竊輩外戶可以不閉洵佛地也其外則靈遠有寶乘寺靈爽遠著得名也寺後一洞頭角斬然如蛻龍曰蛻龍洞尾通橋嶺黝黑難窺昔人題詠頗多今漸湮矣旁一池曰濯龍宋蘇長公有記其墨蹟寺僧珍藏之佛嶺之西曰裏沙有蘇家嶺升嶺四矚盡陸氏祖塋山脈豐厚局限勢聚斯所以族蕃材茂乎其下爲水隄腴田百畝水泉不竭故以水名隄焉由水隄歷楊家村登鐵場望羊堞山崢嶸特兀雄踞一方其左之連峯矗起者曰崱山山之巔遠望龍

邱獅巖若俯若伏近接廣陵煙峰鼓架如戟如屏下瞰鼉江蜿蜒曲折宛如佩帶亦巨觀也其麓爲隴塢有環溪水泉地泛不虞旱槁沃壤也出爲大小石塢爲上下塢此則佛嶺之嶂也崑山之脈通龍門嶺嶺新分之界也分界有仙洞幽邃奇幻可供遊賞界上一寺古寺也寺中鐵羅漢二尊相傳從原川埠化僧覓渡而來亦奇矣哉龍門之左爲桐嶺桐嶺之下有平坂有井塢其口有新菴爲東王廟誕辰時四方雲集拜祝者以萬計千秋忠義感仰如斯乎神山之陽爲葛家嶺獵神毛君之廟居焉靈異非常里人虔奉之其旁麓曰魯村村之人布衣椎髻猶存樸厚之風神山脈絡聯烏塘烏塘者縣西之極高山也一日靈山上有龍池歲旱禱之輒

新登縣志

卷二十一

拾遺

五十六

應其極處清夜時可見縣中之燈火人躋此不啻登閭闔而踞九霄矣由魯村而上曰石坂其東爲高富山昔有高傅姓居之且以地雖高而民多富也又曰小龍坑以龍池名也曰巖上巖下以其居巖之上下也此則屬分水界矣餘大棚壁東壯諸山藩翰金鷄石牛鎮一方之門戶玉屏峙溪北翠微隱山南則不能悉數矣大抵新登之山多隈曲其曲處皆藏村落饒水田雖極山之巔莫不有人居阡陌焉舊爲縣名今以名鄉豈非以地廣人稠戶口倍他鄉而殷富之久世代有奇傑挺生惟陸氏爲最故舉口曰新登不問即知其爲陸姓人也予旣歷其地得熟悉其梗概不忍置也因爲之記

朱紫貴阜源記新城縣治之西五十里有谷曰阜源初入兩山環繞一徑中通碑石就荒輿梁高跨即所謂開元橋也前行數十步奇峰疊出路人漸高茅屋深藏於嶺畔丹楓圍繞乎山村有廟翼然道左即所謂楓嶺也復行三里許山形抱轉石骨崢嶸收如象鼻隔溪有峰橫銷水口小徑穿林波流至此而潏洄佳木葱蘢而可悅古稱蟹箝其命名俱有以焉後則山村數十家世傳道業其屋之西澗水潺潺山花處處有茂林脩竹之屬瀑布山泉之雅地稱駱宅今居鄭姓殆古駱姓所居乎至村東石徑百餘步豁然開朗土地平曠屋舍儼然遙見野店旗亭石橋流水卽予所居處童家橋也前臨龍舌平疇桑麻一帶後枕馬灣擁翠秀色可餐吾祖

新登縣志

卷二十一

拾遺

五十七

道存公來此仰見山明水秀因卜居焉橋東行數十步翠柏森森高十餘丈經冬愈秀過板橋卽對山潘宅村人元旦至錢公祠謁神嘗採柏以歸俗取滿手歸來之意橋畔鳳凰特立周圍二十餘里上有山村四五今存其一左右兩途皆達省之捷徑復行里許地曰崩巖有二山峻然獨立合而如磨俗呼磨子石再進二里許但見古剎依山小亭騎路菴雖廢矣亭猶存焉菴後數步上有洞初極狹僅通人轉一彎峻然矣石壁間刻有觀音像上有小洞仰見昭昭之天橫邊石 大如斗其深莫測昔有人常期夢於此傳聞有聲響因名響洞其義不可解又前行里許傍有仙人潭泉水清潔有肥魚數頭時遊波際悠然自得斜行一里地多竹清幽一

派夏遊到此暑氣全銷上有紫金菴廟頗壯麗往來遊人每小憩於此今變爲荒煙蔓草矣臨新分界於此故名新嶺由鳳山左行里許田中卓立一石其形圓其中空上有古木蔭翳四時不彫名曰龍頭石入後村北一井泉甚芳冽雖旱不枯村南途中石立尤異下圓上尖如象鼻樣號曰龍尾其村以龍井爲名自有由也又一里許越山澗過板橋煙村百餘戶地闊數千弓村後層嵐拖出形似伏虎山止處四圍皆石中有間屋之廣獨土形家皆謂佳穴惜以鍾姓之衆山無敢遷葬焉村北半里許危巖高十餘丈去地數尺石壁間有二孔大容拳窺莫知深春夏風出秋冬入焉遊人以木葉塞石口隨風而入杳不可見其塢曰風洞良有以也村東

新登縣志

卷二十一

拾遺

五十八

過小橋煙村六七處路越兩三程竹木叢雜間隱住蓬廬地雖不曠境實清幽入山數百步傍立巉巖倒懸如椽下容二三人足避風雨仰視石隙間泉滴琴鳴往來人悉由其下謂之滴水巖至崗則臨新分界云唐許遠圍中詩誰知始皇憂禍起宮中鹿誓死靖中原偷生何面目丈夫非無淚不效窮途哭借彼雁南翔爲我寫心曲

杜荀鶴錢塘別羅隱詩故國看看遠前程計在誰五更聽角後一葉渡江時吾道天寧喪人情日可疑西陵向西望雙淚爲君垂錢塘署有羅昭諫手植海棠一本王元之詩江東遺迹在錢塘手植庭花滿縣香若使當年居顯位海棠今日賦甘棠

宋眉山蘇軾往富陽新城李節推先行三日留風水洞見待詩春
山磔磔鳴春禽此間不可無我吟路長漫漫傍江浦此間不可無
君語金鯉池邊不見君追君直過定山村路人皆言君未遠騎馬
少年清且婉風巖水穴舊聞名只隔山溪夜不行溪橋曉溜浮梅
萼知君繫馬巖花落出城三日尚逶迤妻孥怪罵歸何時世上小
兒誇疾走如君相待今安有又新城道中二首東風知我欲山行
吹斷簷間積雨聲嶺上晴雲披絮帽樹頭初日掛銅鉦野桃含笑
竹籬短溪柳自搖沙水清西崦人家應最樂煮葵燒筍餉春耕身
世悠悠我此行溪邊委轡聽溪聲散材畏見搜林斧疲馬思聞卷
旆鉦細雨足時茶戶喜亂山深處長官清人間歧路知多少試向

新登縣志

卷二十一

拾遺

五十九

桑田問耦耕

晁補之次韻蘇公和南新道中作二首山園芙蓉開寂寞歲云晚
公來無與同念我百里遠寒風吹空林白日下重巘興來還獨歸
挑燈古囊滿讀公棲鷗詩歲月傷晚晚公胡不念世蠟屐行僻遠
羈鳥翔別林歸雲抱孤巘我才不及古歎息襟淚滿

許廣淵和徐令南新道中詩嶮崑通小徑湍水度危橋茶女巾蒙
髻樵人斧插腰鳩鳴春晝靜鶯囀曉林嬌令尹求民瘼行行聽路
謠

明邑人吳鍊官咸寧縣教諭作石嶺樵歌詩云採薪山畔夕陽過
嶺外歸休樂事多風月擔頭挑幾許一聲嘹唳出煙蘿

咸寧縣志

邑人羅壽築後山書舍曾賦詩云經籍卷舒磨歲月卉花開謝識
春秋又致仕詩云報國心常赤譚經髮已皤

縣志
補輯

華亭陳子龍贈吳偉高偉一友于歌天目嵯峨半空立萬疊飛花
江流急山奇淵秀毓靈長中產偉人代未息浙西簪纓數幾家延
陵氏族甲京華東安門風占獨古詩書禮樂田桑麻偉高偉一儒
家子英英好義殊無比然諾直教重千金灌夫田光只如此湖解
交遊三十春敝裘彈劍不言貧半世不治家人產笑歌落落終黃
塵好學博聞飽今古究心精理徹天人聲名價重遍南北撫御聘
徵當道詢自言孟氏山中處煙火深林傲寒素敦樸若爲荀大郎
風徽應是石公度吁嗟天下正漫漫顛倒君親忠孝單安得二子

新登縣志

卷二十一

拾遺

六十

留風化友于歌成兄弟難

清遂安毛會侯際可周烈婦詩世間粉黛易成空勁節稜稜烈士
風碧血不銷千載恨黃泉能得幾人同久欽奇節凜冰霜白首今
來拜影堂題罷新詩重太息淚痕飄灑墨痕香

袁邱園英馮子翁邑侯德政詩黃河來積石潤普萬里餘抱甕漑
半圃竭蹶無寧居鑑此及物異乃悟原委殊東安萬山中待澤如
枯魚我侯自北來甘雨隨其車民恫宛在躬夙毗隨已鋤艱哉均
役籌一舉羣情舒溫顏敦士習避鱗嘗驅輿撫字拙催科臥理同
蘧蘧感此治理張不樂將焉如

周之翰呈馮子翁邑侯詩銅章纍纍紱新裁仙令初從燕邸來三

徑竹松孤鶴立四山風雨一琴開春茶摘露纔供稅秋稻舒花合
舉杯自是野真感德更蘭燭跋不教回

陸野修懋廷贈馮子翁邑侯詩都下珠林最有名忽來吳越作干
城春雲靄靄和風扇夜壑沉沉麗日明西浙湖山都被澤東安黎
庶倚爲平文章政績書銀管佇聽循聲達上京

羅秀蟠欲繡送子翁邑侯詩山城吹角入寒雲一曲驪歌不可聞
舊史雅傳周召父都人爭識大馮君碑因口泐沿途樹香爲心虔
夾道焚臨轍攀轅留不得萬行清淚落紛紛

羅欲組寄馮子翁邑侯詩鼉江一曲碧連空百丈峰頭綠映紅高
柳環溪春漠漠雅琴臨水夕融融魚懸壁上存清節虎避山中有

新登縣志

卷二十一

拾遺

六十一

至公治行文章前代冠漢家曾賜玉騶驄

袁引百昌裔寄馮子翁邑侯詩鹿車自推韋作被古賢高風今復
起清操常投飲馬錢冰壺只貯雙水松兮葛兮谿水清此水夙與
侯意盟年年願得東風好縮定陽和處處春

羅彝正志倫題汪夢姜讀易樓我登讀易樓劃然一長嘯西來爽
氣入襟懷歷歷雲山供詩料左卓筆兮右葛溪虹飲千杯發狂叫
詩成直欲上青天俯視塵寰同一飭主人讀易在此樓夢飲三爻
探其奧米顛圖畫張顛書漫向毫端窮衆妙

錢塘厲樊榭鶚挽鮑貞女詩地下仍歸妹人間免嫁殤仙娥宗鮑
靚奇節邁共姜置筵因君舅勞心撫小郎休言儻弱女生氣凜如

霜

錢塘沈礪房孝廉各蓀康熙丙戌計階入京榜前夢羅昭諫見過
醒後賦詩云鵠袍烏幘一先生刺寫江東給事名八百年來成把
臂可能還訪舊雲英徐時敦
間雲錄

潘懌亭成年新城雜詠將臺山下客經過滾滾桐江風浪多落盡
布帆穿小港一枝柔櫓打清波新邑水路從將
臺山入小港右入清溪左入江

青山點點照船窗每逢斷岸忙收纜飛起沙邊鳥一雙船入小港
落帆牽纜

小艇行來第幾灣東風吹日落雲間黃昏細雨煙波上獨見前溪

打石山打石山石色常新
夜望儼如微雪洞門深鎖兩峰尖岸火漁燈夜色兼載

得石頭堪換酒淡於江水略加甜地名嶼口乃
產石灰之所淥渚波澄浸蔚藍

新登縣志

卷二十

拾遺

六十一

周王廟後疊晴嵐外家紅袖春衫女歲歲來看三月三淥渚地名
每歲流觴

曲水之期演戲酬神祈年修禊
遠方親戚鼓至俗呼看三月三翠竹穿成兩扇簾一篙撐去水雲

隈春溪漲急奔如馬不數船過濫瀕堆船至淥渚止矣
上流俱用竹簾溪行十里

見山城卓筆峯高似削成何處鼉江看二氣幾輪野碓卻長鳴相傳

鼉江有青白二氣
見則必出名士彈丸小邑絕塵氛一朵蓮花聳碧雲短短女墻

圍數里譙樓鼓點滿城聞新邑依山築城堪
輿家謂形似蓮花城中寂靜似山村半

是人家半小園幾日清齋思肉味長鬚奴出郭西門住城中者買
物必出西門

柳陰深巷小招牌短水兼旬味莫儕近日鄉風殊往日竹爐瓷碗

賣茅柴短水土酒名最佳
茅柴紹酒之劣者新米炊煙遍草廬池塘波影亂清虛水

車軋軋鳴深夜八月中秋賣桶魚附郭池塘溉田畜魚西成後車
水取魚盛諸木桶時換清泉洋

洋可愛名曰桶魚
以中秋日賣起

樵斧丁丁響翠微挑來城市趁朝暉大東門內

觀音巷午後肩頭負米歸

買柴止有二處一大東門內一觀音巷也且須午前遲則不及矣

鄉村

四月賣黃茶日日城西笑語譁座上客人多白鏹一時分給數千

家

邑產黃茶約價萬餘金大半在城西交易凡賣銀收買者呼為客人

三春正是出遊時大婦前行

小婦隨先謁城隍後東嶽年來又上藥王祠

春日婦女燒香以祈蠶事藥王祠新建在

塔山之頂

嶮山千仞插天峰擁翠亭西客路重香粥一盂常解渴淡薑

苦菜味偏濃

從塔山而西則為上四鄉矣途中惟粥

短短茅蒼傍水潄疎簾漉紙鑄

黃金碓聲時吼秋雲外敲碎叢篁動碧岑

地名煉頭搗紙為業作為冥錢

余山南

岸廣陵西葛水中流束兩隄萬福菴前日正午齋鐘送客過三溪

三溪一自余口來一自廣陵來中流則葛溪也

客到南新起暮愁城隍古廟曆千秋籬邊

新登縣志

卷二十一

拾遺

六十二

絡緯啼涼月何處當年紡績樓

即宋時南新縣也有古城隍廟貞女萬月娘紡績樓

鄉風到

此倍難忘酒熟春分琥珀光珍重池魚同海錯但逢佳客喚烹羊

春分酒名味厚色紅南新南安兩鄉用以宴客其地少魚

書聲靜夜出山椒茶塢秋風桂子飄

吟興直思登馬嶺奚襄先到太平橋

茶塢高姓讀書之所在太平橋東過此則登為嶺於潛界

矣

訓導陳焯新城道中和蘇韻山重水複畫中行隴上頻聞叱犢聲

古寺藏林高豎眷夕陽下巘遠懸鉦殷勤胥吏遙相迓荒率盤殮

意尚清新向農家聞諺語阪田瘠薄要冬耕又重至新城再疊蘇

韻重至新城快此行連朝風雨雜雷聲鼉江秀氣徵文武碧沼禪

林駐旆旌上簇原蠶催葉急沿溪嘉樹布陰清此來正值禾長畝

但見鋤芸不見耕

錢塘袁簡齋枚題姪婦戴蘭英秋燈課子圖禮訓從來出戴家戴
媯生小貌妍華娟娟國色天仙妬字字金鑾紫玉誇豪犀梳罷清
晨起便倚妝臺吟不止脫口能傳伏聖經停鍼便續班昭史偶然
吹竹更彈絲多藝多才侍婢知芳姿似月閨中照佳句如雲紙上
飛喜結絲蘿歸小阮寒家戚里人人羨西湖攬勝共香車北苑題
箋分筆硯秦嘉聞說也聰明詩筆終輸徐淑清不櫛由來稱進士
妝成理合喚先生一朝夫婿長安去男兒慣被封侯誤郎病方教
我欲愁妾憐早唱公無渡賸有髻鬟膝下孤呱呱知哭阿爺無購
來李翰蒙求本命寫顏家干祿書最苦霜天夜月高烏嘯不住朔

新登縣志

卷二十一

拾遺

六十四

風號兒頭已觸屏風睡娘手猶持荻草教而翁曾作宜興宰我來
乍見驚鴻態不料乖離十四年霜蘭雪竹容顏改贈扇題詩當束
修年年春仲望來游我來先要含飴問兒課何書記得不

蘭英袁
知子婦

甯波湯桓爲羅麓亭大令題霜樓課讀圖詩兩世傷心痛不禁一
樓燈影雪霜侵是誰有血能知墨寫出當年苦節心讀罷陳情淚
欲垂春暉一去苦難追可憐才士羅昭諫一冊逢人便乞詩

訓導余大輝羅貞女詩合將史筆紀貞珉中壘遺編絕少倫奇節
不登陶孟傳百年原是女兒身竹本孤生霜雪耐藥名獨活苦辛
嘗石羊山畔人爭仰貞女坊齊高士坊

富陽吳丙庠炳過袁村詩片石標題在分疆兩邑同水流殊向背

山勢判西東松竹遊人路桑麻故里風前行一回望村墅夕陽中
錢塘金亞伯應麟寄贈于月峰詩三溪一別已三年兩地睽違各
一天耿耿不忘秋水裏依依長在白雲邊詩聯紅袖追如昨酒對
黃花溯自前十二樓頭看錦繡臨歧言語尙流連

邑令吳墉九里洲探梅和丹岡韻早春獨步廣平才指點江鄉萬
樹梅九里雪香風料峭一蓬霜影月低回爲乘潮信催花信不辨
山隈與水隈仙侶同舟吟興愜侵晨巒翠撲窗來

邑令晉廷楫留別新邑多士詩謬託知音已四年薰風一曲忽移
弦高山不獲賡同調流水何緣契大賢懇摯性情真處見芝蘭臭
味淡中傳愁思後會期難卜徒向東安看暮煙

新登縣志

卷二十一

拾遺

六十五

邑令宣汝珍葉貞女詩南陽秀毓女中英緣訂紅絲繫陸生勿怨
壻貧遵父命天然秉性賢且貞可憐早歲龍蛇厄未見親迎作嬌
客惡筭露紛泣淒涼願逝黃泉慰魂魄無奈高堂有寡姑奔喪侍
養暫留奴矢心不負先亡者撫姪承宗待後圖破鏡之年方十七
飲血茹蘖持家密試看環聚百烟居里巷交稱女貞一疑是共姜
再世身柏舟重賦誓河濱鼉江也爲增名色貞節祠中又一人表
誠割鼻稱前代休把才能誇粉黛女兒中有此操持愧煞文君無
數輩森森松柏幾經秋勁節貞心獨善謀霜降不紅風不動任教
深雪壓峰頭憶舊紳耆曾採訪稟申貞女行爲狀他時華袞待榮
褒北宮嬰兒幸無恙

邑令丁澍良葉貞女詩生就幽姿耐雪霜儒林傳誦姓名香
正氣鍾閨秀不減前明曼月娘綠窗聞訃不勝哀腸斷當年下鏡
臺比似隔林寡黃鵠闖然飛入陸家來痛撫桐棺血淚寒同游地
下合心安未曾了卻夫家事自問生難死更難春風拜奠酒千卮
可是清明上塚時欲訴衷腸難盡訴杜鵑啼老白楊枝虔修婦職
凜蒸梨翹首萱幃日影西別有苦心全孝義對姑笑語背姑啼苦
雨淒風四壁涼本來家世說荒莊生涯憑仗空空手燈火縑車徹
夜忙焚香乞代涕霑襟莫慰蘭閨一片心歎息彼蒼非憤憤貞操
留作女兒箴冷抱冰心越十霜幽光潛德久彌彰龍章他日從天
錫恩寵休誇百歲坊

新登縣志

卷二十

拾遺

六十六

胡玉如寒食節偕同人出游到演武廳觀射和葉晉漁韻二首寶
主盡南東聯鑣一路中乍晴鳩婦雨初扇鼠姑風楊柳紫旗綠桃
花簇馬紅當場爭破的鳴叫聽鳴弓鸞韻響璵瓏歸瞻馬首東遠
山銜落日平野散和風作客髯將雪揮毫氣吐虹華林賦射馬庾
信有誰同

邑令余純榮留別新城詩浦陽篆卸接東安愛事非難治事難柳
種前街常慕敞花開滿縣却慚潘清談最惜書二篋樂道奚妨食
一簞歷徧艱辛何所似不知嘗膽在熊丸

邑令忠滿去新城作歸裝依舊鶴同琴自信猶無暮夜金老馬問
途防芟駕羸羊求牧負初心輿情豈易同憂樂世故終嫌昧淺深

幸有賢明山下塔一官久已判升沉

兵防

清咸豐九年奧寇陷於潛臨安迫近新境冬南安鄉民高保大築砦以守馬嶺寧善鄉民沈士尙何茂賢等出境禦寇於於潛之印渚埠珠子嶺皆奮鬥死十年二月寇謀至三溪鎮被覺遁去富陽潰勇同時竄入永昌昌東二鄉者亦被鄉民截殺殆盡三月寇楊輔清黨由於潛破浮雲嶺入旋經過南新鄉出干隴嶺向臨安而去卸任典史戴霆乃勸議辦團六月分守臨安界之沈嶺黃嶺闕嶺於潛界浮雲百丈二嶺黃嶺之役戴霆率團勇出境至上盤章村擊寇被圍袁典三國棠等皆死霆僅以身免十月初一日李世

新登縣志

卷二十一

拾遺

六十七

賢大隊由桐廬寇境各鄉團集禦於浮橋渡相持三日敗潰寇由焦山別逕入團董羅喆死之團勇多陣亡縣城陷寇踞五日去時寇蹤西上至新登鄉查村折回未踰巖石嶺戴霆方在上四鄉辦團民賴之以安十二月初九日寇將譚星率衆由於潛分水至西鄉民團皆潰遂入城至十一年二月始去鄉民復集團尾擊之互有傷亡六月寇由分水桐廬擾境鄉團分守馬嶺巨龍嶺桐嶺烏塘嶺龍門嶺白峰嶺寇蹤來去無定團勇遇即奮鬥多陣亡八月提督張玉良由嚴州率軍下援杭城駐營昌西鄉濱江之港口三日去九月寇大股所謂花旗黨者由江西至分道入境西鄉團勇禦之於三溪口不敵返扼巖石嶺新登七賢鄉民來助守寇從間

道冷水坑繞出嶺後包圍團衆大潰盡歿自是寇氛徧境至同治

二年四月始熄

按新城被寇首尾四年土民十死九八迄今時代稍遠遺老無存採訪所得死難諸人非年月多舛即事蹟互異秉筆者無繇考定其是否祇得沿訛襲謬拉雜書之茲復參校當時奏報公文及遺老傳說按次編之雖非翔實較可徵信爰入別錄誌之

奧寇之難寧善鄉民于世盛楊際春徐霽徐大生倪方田等率領民團先後分守畢浦於潛印渚及本邑巖石嶺無役不從因衆寡不敵先後潰散際春尤憤之伺寇大至作書檄置道上勸阻諸酋焚殺事雖不效志亦可哀已

同治二年四月奧寇遁副將高連陞築壘草鞋嶺扼新富之衝壘今圯

新登縣志

卷二十一

拾遺

六十八

光緒二十八年秋桐廬北鄉民教齟齬濮振聲者鄉之團董也挾仇教名因以起事駐桐軍官吳忠選擊之於百歲坊敗竄至新城境之桐嶺知縣高莊凱既牒省請防勦仍陰與其黨約招濮振聲來署諭以利害使解散振聲陽諾而騷擾如故惟逗留桐嶺不敢進及省防軍管帶馬長春趙懷清嘉防統嶺費金組率所部先後至新城將出境迎勦匪膽怯莊凱復遣其黨往說之振聲遂於十一月初三日子身來城就撫餘黨四散事遂平

三十二年新城歲歉四月十九日鄉民聚衆至西門外劫略米舖知縣沈惟賢不敢治匪膽益張四鄉鬧米案迭出至五月初七日遂有劫城之變官山道士黃清風及子利生爲之魁先是有江西

人方有德者素狡黠平日自稱客董數以事干惟賢爲所斥方嘽之乃竄身會匪中爲謀主日夜鼓煽以起事勢蔓延其黨不下數千人思一逞遂議分四路撲城北路有德爲之魁約是日午齊撲城惟賢訶知之屆黎明捕獲其偵目陳米典杜得勝等斬於北門城下北路匪黨遂先發由草鞋菴迤邐至松溪鎮舉火焚教堂爲號遠近居民驚避一空及抵西郭門而三路匪無應者先至者方徘徊間省委管帶黃雲飛率城兵突出掩擊匪黨奔竄官兵追之斬其殿後匪目一人而返餘匪散至各鄉爲團練兜捕送縣先後殺王阿賢胡野狗等三十餘人事以平而方有德及餘黨卒漏網遁去